

SAMUDERA



Wadah Mengembangkan Minda Generasi Baharu The Navy People



GENERASI HARI INI
PEMIMPIN HARI ESOK

TLDM KE ARAH MEREALISASIKAN TN50D



**SETINGGI - TINGGI TAHNIAH & TERIMA KASIH
TENTERA LAUT DIRAJA MALAYSIA
ATAS SEGALA PENGORBANAN MELINDUNGI DAN
MEMPERTAHANKAN PERAIRAN MALAYSIA, NEGARA BERTUAH INI**



DENGAN IRINGAN DOA DAN INGATAN TULUS IKHLAS

 **BUDI
Axis**
BUDI AXIS SDN BHD (836389 - H)
("Your Reliable Strategic Alliance")

Suite B1-17, Megan Ambassy, 225 Jalan Ampang, 50450 Kuala Lumpur
Tel: 03-2171 2626, 03-2171 2727
Fax: 03-2166 1717
Email: enquiry@budiaxis.com

KANDUNGAN

SAMUDERA DISEMBER 2017



Edisi pada kali ini memberi fokus kepada elemen TN50D. Adaptasi TN50 menjadi TN50D juga menasaskan kedudukan tertinggi sektor pertahanan pada masa hadapan dari segi kemodenan dan inovasi. Namun pembangunan modal insan dilihat lebih penting dalam menasaskan objektif pelaksanaan TN50D



FOKUS 6

- TLDM Ke Arah Merealisasikan TN50D

KHAS 8

- Tahun Ke-2 PTL: Melandakan Masa Hadapan TLDM
- Dasar Keselamatan Negara Di Sini Akhirnya Pelaut

PENGIKTIRAFAN 17

- M. Khan, Amisah Bangga Diiktiraf Bintang dan Laskar Terbaik TLDM

KESIAPSIAGAAN 18

- AEO-Markas Udara TLDM Diiktiraf DGTA
- *Operational Readiness Evaluation* KD GANYANG
- Pangkor War Uji Kesiapsiagaan Kapal, Aset dan Navy People

EKSESAIS 20

- *Maritime Training Activity*
- Eks MALAPURA 2017
- Eks Wira Laut East 2017
- Eks HORNBILL 26/17

DIPLOMASI PERTAHANAN 22

- WPNS JOIP dan ANYOI Bukti Negara Luar Mengiktiraf TLDM



22



TEKNOLOGI 24

Teknologi Moden ALTRIZ Pertajamkan Kemahiran the Navy People

INFO IT 26

- Inisiatif TLDM Dalam Memperkasakan Teknologi Maklumat

PENULIS TAMU 28

- LCS Dalam Konteks Menjayakan Hasrat TN50

UNSUNG HERO 30

- Sharif Kalam Khazanah TLDM Tidak Ternilai

PERSONALITI 34

- Dedikasi Setanding Lelaki-PW I Ratna Tidak Gentar

HARI INI DALAM SEJARAH 37

- Usaha KD LEMING Membanteras Penyeludupan Candu Dihargai
- *Sword Bearer* Terpanjang Dicitat Dalam *Malaysia Book of Record*
- Rejimen Sarjan Mejar TLDM Pertama
- Upacara *Sunset Ceremony* Permulaan Penutupan Pangkalan TLDM Woodlands di Singapura
- Lawatan Pertama Kapal Perang Jepun Semenjak Tamatnya Perang Dunia Ke-2
- Upacara Penamaan KD JERAI dan KD MAHAMIRU

BERITA SEMASA 40

- Gelombang Nelayan Nasional 2017 Realisasi Fungsi RAKAM
- Naik Pangkat-Athlet Cemerlang di Sukan SEA KL Turut Dihargai
- Penutup Kursus Asas Komando PASKAL
- MALBATT 850-5 ATM Bukti Komitmen di Peringkat Antarabangsa
- TLDM Sertai Misi kemanusiaan Pelarian Rohingya
- Penganugerahan *Battle Honour* DAULAT Feb 2013

PSSTLDM 42

- Pegawai Graduan Diseru Beri Nilai Tambah Kepada Negara
- Projek Jiwa Murni Mempromosi KD SRI PINANG
- Lawatan dan Penyerahan Cek Insurans Kelompok

INFO DIDIK 44

- Majlis Penyampaian Anugerah Kecemerlangan Pendidikan ATM Ke - 27

GALLEY SAMUDERA 46

- Nasi Beriani Kari Kambing *Vigilant* Pikat Selera

SUKAN 48

- Sukan SEA ke-29 KUALA LUMPUR: Atlet TLDM Bersinar di Arena Antarabangsa
- 32 Atlet Sukan SEA KL 2017 Dapat Insentif





ALHAMDULILLAH, syukur ke hadirat Illahi kerana dengan limpah kurnia-Nya dapat kita bertemu lagi dalam Samudera keluaran 2/17. 2017 hampir melabuhkan tirainya dan saya pasti TLDM telah melakar pelbagai kisah suka dan duka yang akan kekal dalam ingatan setiap warga *the Navy People*. Walau apa pun sejarah yang terukir, saya pasti setiap lapisan warga *the Navy People* telah melakukan yang terbaik demi perkhidmatan yang disayangi ini.

Seperti yang sedang pembaca sedia maklum, Transformasi Nasional 2050 atau singkatannya TN50 merupakan satu aspirasi nasional dan inisiatif yang diperkenalkan oleh YAB Perdana Menteri untuk membentuk masa depan Malaysia bagi tempoh 2020 hingga 2050. Melalui inisiatif ini, lahir pula TN50D yang memberi fokus dalam sektor pertahanan mensasarkan

ATM amnya dan TLDM khasnya menjadi sebuah angkatan tertinggi dari segi kemodenan dan inovasi. Mengambil kira aspirasi negara ini, TLDM sedari mula telah memperkenalkan Program Transformasi 15to5 untuk membentuk sebuah angkatan laut yang berkredibel dan mapan dalam melindungi perairan dari sebarang aktiviti jenayah rentas sempadan. Pelaksanaan proses ini bukanlah satu tugas yang mudah dan boleh dipandang enteng kerana ia memerlukan komitmen setiap lapisan warga *the Navy People* selaras dengan moto TLDM 'Sedia Berkorban'. Melihat kepada kedua-dua fokus utama negara dan TLDM, majalah Samudera pada kali ini mengupas sejauh manakah TLDM mendukung dan merealisasikan hasrat kerajaan dalam menghadapi gelombang cabaran masa hadapan.

Kecemerlangan berterusan warga *the Navy People* turut dicoretkan secara khusus dalam edisi kali ini. Penglibatan secara langsung warga *the Navy People* dalam Sukan SEA Ke-29 baru-baru ini sama ada sebagai atlet mahupun tenaga kerja membuktikan TLDM sentiasa menyokong negara selaku penganjur acara berprestij peringkat ASEAN itu. TLDM terus melakar garis-garis kecemerlangan sama ada dalam pelaksanaan operasi mahupun pentadbiran merangkumi sumber manusia dan aset pertahanan.

Setelah menempuh tiga dekad penerbitan majalah ini, pelbagai coretan, bingkisan dan catatan semasa telah dinukilkan. Samudera sendiri telah melalui beberapa fasa transformasi sesuai dengan perubahan globalisasi. Besar harapan saya agar majalah ini akan terus menjadi wadah yang bermanfaat kepada semua lapisan masyarakat. Sekian, salam hormat dan selamat membaca.

Kept Sazalee Shoib TLDM

Sidang Redaksi SAMUDERA

Penaung/Penasihat

Laksamana Madya Dato' Anuwi bin Hassan

Ketua Editor

Kept Sazalee bin Shoib TLDM

Editor

Kdr Mohd Kamal Irfan bin Hassan Sabri TLDM

Penulis/Wartawan

Lt Kdr Zul Helmi bin Dato' Hj Baharom TLDM

Lt Kdr Haniff bin Mahd Aris TLDM

Lt Kdr Nor Melissa binti Yayanto TLDM

PW I PRL Normahaily binti Mohd Nor

BM TLR Muhamad Asri bin Md Zlan

LK TLR Suhairi bin Mohamed Ali

Pereka Grafik

Lt Kdr Haniff bin Mahd Aris TLDM

Lt M Ahmad Fauzan bin Rathuan@Radzuan PSSTLDM

BK KOM Shapilin bin Dolmat

Mohamed Iqbal bin Mohd Khairuddin

Emel:

majalahsamudera@tldm@gmail.com

Sidang Redaksi Majalah Samudera

Bahagian Perhubungan Strategik

Markas Tentera Laut,

Wisma Pertahanan

50634 KUALA LUMPUR

Tel : 03-2071 5452

Faks : 03-2698 1680

Reka Bentuk dan Percetakan

MIHAS GRAFIK SDN. BHD.

No. 9, Jalan SR 4/19

Taman Serdang Raya

43300 Seri Kembangan

Selangor Darul Ehsan



LEMBAGA TABUNG ANGKATAN TENTERA

PEMBANGUNAN HARTANAH TAMAN LTAT, BUKIT JALIL, KUALA LUMPUR



PROGRAM PERUMAHAN MAMPU MILIK 2017

LTAT melalui Perbadanan Perwira Harta Malaysia (PPHM) sebagai Pemaju Hartanah komited untuk terus membina lebih banyak rumah-rumah mampu milik untuk ditawarkan kepada anggota-anggota Angkatan Tentera Malaysia (ATM) yang sedang berkhidmat atau telah bersara serta keluarga mereka.

Nama Projek	: Parsel 2C Taman LTAT, Bukit Jalil, Kuala Lumpur.
Jumlah Unit	: 2,000
Keluasan	: 850 kaki persegi (3 Bilik Tidur & 2 Bilik Air)
Harga Jualan	: RM199,750.00
Jangkaan Siap dengan CCC	: Disember 2018

Pendaftaran di buka mulai sekarang dan sebarang pertanyaan sila hubungi pihak Pemaju kami seperti berikut;

Nama Pemaju	: Perbadanan Perwira Harta Malaysia (PPHM)
Alamat	: Tingkat 9, Bangunan LTAT, Jalan Bukit Bintang, 55100 Kuala Lumpur.
No.Telefon	: 03-2142 6122.
E-mail	: pemasaranpphm@gmail.com
Laman Sesawang	: www.pphm.com.my

TLDM KE ARAH MEREALISASIKAN TN50D

Oleh: Lt Kdr Haniff Mahd Aris TLDM
Foto: Cawangan Komunikasi Strategik

“Kita berkehendakkan isu transformasi dan perkongsian aspirasi ini sentiasa menjadi perbincangan semasa ke semasa di peringkat akar umbi bagi memastikan momentum transformasi ini akan berterusan menjadi wadah warga the Navy People dan mereka beroleh maklumat yang tepat berkaitan agenda nasional ini.”



TRANSFORMASI Nasional 2050 merupakan usaha untuk membentuk masa depan Malaysia bagi tempoh 2020 hingga 2050 dari sebuah negara maju untuk menjadi antara negara teratas di tangga dunia dalam ekonomi, kesejahteraan rakyat dan inovasi. TN50D merupakan inisiatif untuk mendapatkan aspirasi warga *the Navy People* untuk mendukung program Transformasi Nasional 2050. Ikuti temu bual Sidang Redaksi bersama Laksamana Pertama Shamsuddin Hj Ludin, Asisten Ketua Staf Perancangan Pembangunan (AKS PP) selaku ketua tim pemandu TN50D TLDM dalam merungkai betapa besar tanggungjawab pelaksanaan TN50D dari akar umbi.

MS: Bagaimana adaptasi TN50 ini dalam sektor pertahanan yang dikenali sebagai TN50D dapat dijelaskan secara umum. Apakah ciri-ciri utamanya?

AKS PP: TN50D diadaptasi daripada TN50 yang diperkenalkan oleh YAB Perdana Menteri Malaysia. Sebagaimana TN50 yang merupakan satu inisiatif kerajaan

untuk mendapatkan aspirasi daripada rakyat umum ke arah membina Malaysia yang lebih cemerlang pada tahun 2050 nanti. Hasrat daripada golongan belia amat penting kerana mereka bakal menerajui negara pada masa akan datang. Oleh yang demikian, Kementerian Pertahanan bertanggungjawab melihat kerangka TN50 dari sudut pertahanan. Kerangka ini dijenamakan sebagai TN50D dan diselarikan dengan lima teras utama Kementerian Pertahanan iaitu Kesiapsiagaan, Keselamatan, Kebajikan, Diplomasi Pertahanan dan Teras PLKN 2.0. Perkara ini bertujuan bagi memastikan apa sahaja perancangan strategik yang akan dilaksanakan oleh kementerian adalah mengikut landasan TN50 peringkat nasional serta menyokong pelan transformasi tersebut. Adalah penting supaya setiap pembuat polisi di Kementerian Pertahanan memastikan setiap perancangan atau inisiatif tidak lari dari landasan TN50 nasional ini. Dalam erti kata lain ianya perlu selari dengan agenda pembangunan nasional.

MS: Bolehkah tuan jelaskan kaitan rapat TN50D dengan pelaksanaan transformasi TLDM yang sedang berlangsung ketika ini?

AKS PP: Sebenarnya memang ada kaitan atau kebetulan bagi kita di peringkat TLDM melaksanakan pelan transformasi lebih awal daripada pelaksanaan TN50D ini. Pelan Transformasi TLDM yang dilaksanakan melalui inisiatif YBhg Panglima Tentera Laut adalah bagi menyahut cabaran oleh YAB Perdana Menteri Malaysia sejak beliau mula menjadi Perdana Menteri Malaysia lagi. Apa yang lebih penting, ia adalah sebuah manifestasi pemikiran kepimpinan yang jelas dan berpandangan jauh ke hadapan. Kepimpinan sedia ada di Kementerian Pertahanan adalah kumpulan yang menyokong kepimpinan di peringkat nasional. Ia bukanlah suatu kebetulan, tetapi suatu bentuk sokongan atau natijah pemikiran yang sama di setiap lapisan kepimpinan untuk membina negara yang sentiasa berdaya maju. Sementara itu, pelaksanaan TN50D adalah inisiatif Kementerian Pertahanan dalam menyokong

langkah TN50 Nasional, dalam masa sama pelan transformasi TLDM juga menyokong TN50D dan TN50 Nasional.

MS: Adakah telah dikenal pasti pola mega bagi pelan ini terhadap masa depan TLDM atau sektor pertahanan umumnya?

AKS PP: Dalam sektor pertahanan dan TLDM, kita tidak boleh lari dari penggunaan teknologi. Saya percaya teknologi pada hari ini berkemungkinan akan ketinggalan pada tahun 2050. Melalui kajian pakar, pola mega pada tahun 2050 adalah lebih meningkatkan penggunaan teknologi dalam operasi pertahanan dan ketenteraan seperti penggunaan robotik, *autonomous system*, *drone* dan *artificial intelligence*. Selain itu, kita juga perlu sedar bahawa dunia kini menuju ke arah *reusable energy* dan dalam industri pertahanan kita juga tidak berkecuali serta perlu melihat perkara ini sebagai opsyen. Bagi memastikan TLDM sentiasa bergerak ke arah pola mega tersebut,

dokumen pembangunan ATM iaitu 4D MAF akan dikaji semula. Hasrat ini bagi memastikan ATM sentiasa bergerak selari dengan pola mega ketika ini. Pola yang digunakan buat masa sekarang adalah berpandukan kepada lima teras utama yang telah ditetapkan. Ini bertujuan untuk memastikan Kementerian Pertahanan konsisten dalam melaksanakan segala bentuk perancangan dan pembangunan masa hadapan. Tanpa kita sedari, sebenarnya lima teras utama ini sememangnya menyokong secara langsung konsep ataupun pola yang ditetapkan oleh pelan TN50 nasional.

MS: Bercakap mengenai soal kepimpinan, tentu agak sukar bagi pihak pengurusan tertinggi dalam memastikan setiap lapisan warga *the Navy People* memahami dengan jelas maksud dan pengertian pelan transformasi ini. Apakah perancangan atau prasyarat utama TLDM dalam meluaskan aspirasi *the Navy People* demi memastikan kesinambungan mencapai objektif utama TN50D?

AKS PP: Cabaran kita adalah untuk memastikan setiap lapisan *the Navy People* betul-betul memahami hasrat dan objektif TN50D ini. Oleh yang demikian, program sesi dialog bersama Pengurusan Tertinggi TLDM dilaksanakan secara berperingkat-peringkat di seluruh tempat. Perkongsian maklumat melalui medium media sosial juga didapati amat relevan buat masa kini. Selain itu, peranan pemerintah setiap markas dan unit juga adalah amat diharapkan bagi memastikan kefahaman menyeluruh warga pada setiap peringkat dapat dicapai. Kita berkehendakkan isu transformasi dan perkongsian aspirasi ini sentiasa menjadi perbincangan semasa ke semasa bagi memastikan momentum transformasi ini akan berterusan menjadi wadah warga *the Navy People* dan mereka beroleh maklumat yang tepat berkaitan agenda nasional ini. Kita juga amat berharap agar *the Navy People* tidak bergantung harap kepada penyaluran maklumat melalui medium perkhidmatan semata-mata, tetapi lebih proaktif untuk mendapatkan maklumat berkaitan agenda ini melalui segala platform media sosial lain di luar perkhidmatan. Apa yang lebih utama ialah ianya bukan semata-mata agenda perkhidmatan tetapi agenda nasional yang lebih menyeluruh. Adalah menjadi tanggungjawab setiap individu untuk mendapatkan kefahaman yang tepat berkaitan perkara ini.

MS: Melalui kenyataan tuan tersebut, amat jelas sekali bahawa peranan individu amatlah penting untuk memahami agenda nasional ini. Oleh yang demikian, adakah signifikan penyampaian aspirasi TN50D ini dilaksanakan secara 'bottom up' dalam perkhidmatan TLDM ini?

AKS PP: Suka saya ingatkan bahawa kita semua perlulah mempunyai keinsafan untuk menyediakan satu landasan yang tepat untuk generasi kita pada masa akan datang. Maksudnya kita pada masa sekarang memikul suatu tanggungjawab yang amat besar untuk memastikan generasi akan datang mengharungi dunia yang penuh dengan cabaran yang mungkin tidak dijangkau oleh fikiran kita pada hari ini. Adalah amat penting, pemerintah mendapat maklumat jelas apa yang diaspirasikan oleh setiap lapisan bagi membentuk landasan yang saya maksudkan tadi. Sistem 'bottom up' ini amat berkesan sekiranya digunakan dengan bijaksana. Oleh itu, gunakanlah

segala platform, medium atau apa sahaja teknologi dan kemudahan yang ada pada hari ini untuk mempersiapkan TLDM dan Malaysia pada masa akan datang.

MS: Sebagai seorang yang telah lama dalam perkhidmatan atau boleh saya katakan sebagai seorang yang telah melalui beberapa perubahan zaman sepanjang karier tuan, apakah harapan tuan pada masa akan datang untuk melihat kejayaan TN50D ini atau TN50 itu sendiri?

AKS PP: Saya amat berharap bahawa generasi *the Navy People* pada hari ini betul-betul memahami betapa pentingnya menyediakan landasan terbaik untuk generasi akan datang. Oleh yang demikian, setiap perincian persiapan perlulah dimulai dengan kesedaran kepentingan aspirasi ini. Kita sudah lihat Transformasi 15to5 yang diilhamkan oleh YBhg Panglima Tentera Laut telah memulakan pembinaan landasan ini. Dalam erti kata lain, ianya merupakan permulaan kepada persiapan TLDM di masa akan datang. Transformasi 15to5 adalah inisiatif YBhg Panglima Tentera Laut bagi menyahut cabaran YAB Perdana Menteri Malaysia dalam pelan transformasi nasional. Perkembangan positif perolehan kapal *Littoral Mission Ship* (LMS) dan pelancaran kapal *Littoral Combat Ship* (LCS) baru-baru ini merupakan petunjuk betapa komitednya TLDM dan kerajaan dalam merealisasikan TN50D. Individu dan pemerintah perlulah memainkan peranan yang sangat konsisten dalam menggerakkan momentum transformasi ini demi memastikan Malaysia akan terus mengecapi kemakmuran dan maju di masa akan datang. Adalah amat penting untuk kita pada hari ini menyedia dan memperluaskan landasan terbaik bagi generasi akan datang.

MS: Terima kasih dari kami di pihak sidang redaksi majalah Samudera atas masa yang tuan luangkan bagi sesi temu bual ini. Besar harapan kami agar perkongsian tuan ini nanti mampu mencapai dan menerjah minda atau buah fikiran warga *the Navy People* dan pembaca majalah Samudera betapa pentingnya kesedaran penyediaan platform terbaik bagi generasi akan datang demi mendokong matlamat aspirasi TN50D ini. Semoga kita sama-sama mengecapi kejayaan dan melihat generasi mendatang meneruskan kejayaan sedia ada. Terima kasih tuan.

TAHUN KE-2 PTL

MELANDASKAN MASA HADAPAN TLDM

Pada 18 November 2017, telah genap dua tahun saya menerajui TLDM. Syukur kehadiran Allah SWT dan terima kasih tidak terhingga kepada pimpinan negara atas kepercayaan penuh yang diberikan. Mengimbas kembali 731 hari lalu, ketika saya memulakan tugas sebagai Panglima Tentera Laut; saya melihat cabaran melunaskan tanggungjawab sebagai sebuah pasukan keselamatan pada ketika itu merupakan peluang untuk saya mentransformasikan TLDM – *Challenges should be look at as opportunities*.

Tahun pertama merupakan tahun yang kritikal. Ketika itu saya bersama pimpinan TLDM bertungkus lumus mencari pendekatan terbaik bagi menyediakan 'bahtera TLDM' untuk mengharungi lautan yang penuh mencabar dan tidak menentu menuju destinasi yang belum pernah kita terokai. Kekangan sumber, tuntutan tugas dan kos yang saban tahun meningkat serta persekitaran geo-politik yang pantas berubah menjadi asas pertimbangan kami.

Saya memberi tumpuan pada tiga proses kritikal iaitu konsolidasi mewujudkan strategi transformasi dan pelaksanaan strategik. Penekanan diberikan kepada penjimatan, menangani isu ketirisan dan mengoptimum sumber sedia ada yang mana ini semua adalah dalam kawalan kami. Dari situlah lahirnya gagasan untuk mentransformasi TLDM secara terancang dan menyeluruh. Bermula sebagai Program Transformasi Armada #15to5, ia kini sedang diterjemahkan sebagai Program Transformasi TLDM yang mencakupi segenap aspek pelaksanaan tugas kita dalam mendepani cabaran keselamatan dan kedaulatan perairan negara di masa hadapan.

Usaha kita mula membuahkan hasil yang memberangsangkan. Antara kejayaan dan inisiatif berimpak tinggi yang dicatatkan termasuklah:

- ✓ **Konsep Transformasi Armada #15to5** sebagai strategi inovatif TLDM telah mula diperkenalkan dan mendapat sambutan yang positif dari semua 'stakeholders'.
- ✓ Pelancaran LCS pertama, MAHARAJA LELA dan bermulanya pembinaan LMS di China sebagai permulaan **keberhasilan Program Transformasi Armada #15to5** melalui inisiatif penjimatan dan perbelanjaan berhemah.
- ✓ **Pengurangan kos** hingga 20% melalui inisiatif **packaged refit** dan **smart contracting**. Prosedur ini berjaya mengurangkan kebergantungan TLDM kepada sesuatu jenama atau OEM selain mendapatkan harga yang kompetitif menerusi panel dilantik.
- ✓ **Pengurusan rantaian pembekalan yang efektif**. Verifikasi stok secara komprehensif sepanjang 2016 telah menjadi asas yang baik untuk melaksanakan transisi dari pendekatan *Just In Case* kepada *Just In Time* yang

dapat menangani isu keusangan, lebihan stok dalam pegangan seterusnya menjimatkan kos dengan ketara.

- ✓ **Pemeteraian Trilateral Maritime Patrol** bersama Indonesia dan Filipina yang dijangka akan dapat memastikan Laut Sulu khasya dan rantau ini amnya bebas daripada ancaman keselamatan, pencerobohan dan aktiviti keganasan.
- ✓ **Peningkatan hubungan kerja dan pakatan strategik** dengan tentera laut asing. Peningkatan sebanyak 9% juga direkodkan bagi lawatan kapal tentera laut negara luar berbanding tahun 2016. Untuk rekod, kita telah menerima kunjungan 117 buah kapal dari 21 buah negara sepanjang 2017. Warga kita turut diberi kepercayaan menjadi *speaker*, moderator dan ahli panel dalam 10 acara daipada 75 seminar, konferensi, bengkel dan pameran antarabangsa yang berlangsung sepanjang tahun 2017.
- ✓ **Inisiatif Admiral on Deck** sebagai salah satu usaha *creative engagement* oleh pimpinan, memantankan kesatuan angkatan, merapatkan jurang antara pimpinan dan warga serta cakna terhadap aspek kebajikan *the Navy People*.
- ✓ **Memperkenalkan aplikasi K3M** sebagai medium *virtual engagement* serta pemudah cara untuk komuniti maritim bertindak selaku mata dan telinga pasukan keselamatan di perairan negara. Ia juga berperanan menyalurkan permohonan bantuan kecemasan secara terus kepada Pusat Operasi TLDM dan APMM. Aplikasi ini juga akan diperluaskan capaiannya apabila sistem komunikasi satelit turut digunakan sebagai salah satu mdium penyampaian melalui aplikasi K3M versi *desktop*. Impaknya dalam meningkat kepercayaan dan keyakinan komuniti maritim adalah sangat tinggi.



- 
- ✓ **Memperkenalkan Pelan Keselamatan dan Kesihatan Pekerja** baharu bagi memastikan setiap *the Navy People* dan orang awam yang berurusan dengan TLDM dapat bekerja dalam keadaan, suasana dan persekitaran yang selamat serta sihat.
 - ✓ Menyokong Dasar Teknologi Hijau Negara menerusi **inisiatif Green Navy**. Usaha mempersijilkan Pangkalan TLDM Lumut sebagai Perbandaran Rendah Karbon dan Pelan Hijau TLDM akan membantu melestarikan alam sekitar di samping mengurangkan pembebasan gas rumah hijau.

Selain daripada pencapaian di atas, kita turut cemerlang dalam menyumbang kepada kejayaan negara. Sebagai contoh, atlet TLDM yang merupakan 5.4% dari kontinjen Malaysia ke Sukan SEA 2017 telah berjaya menyumbang sebanyak 29 pingat, iaitu kira-kira 9% dari jumlah keseluruhan pungutan pingat negara.

Kejayaan di atas bukanlah terhasil secara kebetulan. Sebaliknya ia susulan dari perancangan teliti berpaksikan kepada 4 dari 5 teras utama hala tuju KEMENTAH iaitu **#Keselamatan, #Kes-
iapsiagaan, #Kebajikan** dan **#Diplomasi Pertahanan**. Teras yang diilhamkan oleh YB MENHAN ini akan terus menjadi keutamaan TLDM dalam membangunkan keupayaannya sebagai sebuah angkatan laut yang disegani.



Saya turut berbangga apabila jenama TLDM diterima baik, termasuk di alam siber khususnya melalui aplikasi-aplikasi media sosial. Capaian pengguna termasuk dalam dan luar negara jelas membuktikan keberhasilan inisiatif media sosial bagi menaikkan imej TLDM. Sesungguhnya kepercayaan dan persepsi positif masyarakat mempunyai kesan yang mendalam terhadap keberkesanan kita sebagai sebuah perkhidmatan yang menjadi nadi keselamatan serta kesejahteraan rakyat.

Bagaimanapun kejayaan pelaksanaan strategi transformasi TLDM #15to5 ini memerlukan komitmen yang tinggi semua pihak. Kita juga perlu bersedia untuk mengubah minda dan tatacara kita bekerja. Tidak berbuat sesuatu bukan merupakan satu opsyen.

Akhir kata, ucapan syukur saya panjatkan kepada Allah SWT kerana memudahkan segala urusan yang telah dirancang. *The ship is on track, but expect choppy waters ahead.* Justeru, marilah kita sama-sama merapat ke stesen masing-masing dan meneruskan pelayaran.

Ikhlas, PTL anda

“Kita juga perlu bersedia untuk mengubah minda dan tatacara kita bekerja. Tidak berbuat sesuatu bukan merupakan satu opsyen.”

DASAR KESELAMATAN NEGARA



Oleh: Sidang Redaksi Majalah Samudera



Dasar Keselamatan Negara (DKN) digubal dan dikeluarkan oleh Majlis Keselamatan Negara dan dijadikan dokumen utama dalam menghadapi pelbagai ancaman keselamatan yang semakin dinamik dan kompleks. DKN dibuat di bawah Akta Majlis Keselamatan Negara 2016 (Akta 776) yang memberi kuasa kepada Majlis Keselamatan Negara untuk merumuskan dasar dan langkah strategik mengenai keselamatan negara serta memantau pelaksanaan dasar dan langkah strategik tersebut. DKN akan menjadi panduan dan rujukan utama setiap Kementerian dan Agensi di peringkat persekutuan dan negeri. Ianya akan menjadi bukti bahawa Kerajaan sentiasa komited dalam memastikan keselamatan negara terus terjamin dan terpelihara.

Malaysia dalam konteks geostrategik berada di kedudukan strategik di tengah-tengah rantau Asia Tenggara. Malaysia juga terletak di laluan perkapalan utama dunia iaitu Selat Melaka dan Laut China Selatan yang sering menjadi perhatian kuasa-kuasa besar yang berkepentingan. Kedudukan geografi ini mempengaruhi hubungan dua hala dan pelbagai hala antara Malaysia dengan negara-negara serantau dan antarabangsa dalam aspek kepentingan politik, sosio-ekonomi, keselamatan, pertahanan, budaya dan sebagainya. Persekitaran keselamatan negara terdedah kepada ancaman di dalam negara dan suasana geopolitik di peringkat serantau dan antarabangsa. Dalam konteks ini, TLDM kini berdepan dengan isu pertikaian tuntutan wilayah, ekstremis dan keganasan, keselamatan siber dan jenayah rentas sempadan (rompak di laut). Ancaman-ancaman ini memerlukan TLDM untuk menanganinya sama ada bertindak secara langsung atau memberi sokongan melalui keupayaan serta kapasiti aset sedia ada.

Kerajaan bertanggungjawab memastikan keselamatan rakyat dan negara sentiasa dilindungi dan terus dipelihara dengan mempertahankan sembilan (9) nilai-nilai teras negara yang disokong oleh kewujudan 20 strategi utama yang telah digariskan di dalam DKN.

Nilai-nilai teras negara merupakan nilai yang perlu dipelihara, dikekalkan dan diperkukuhkan bagi menjamin kelangsungan Malaysia sebagai sebuah negara merdeka, aman dan berdaulat. Melalui DKN ini, pelaksanaan strategi-strategi utama akan dapat memastikan setiap nilai teras negara dipertahankan dan seterusnya menjadikan Malaysia sebuah negara yang bebas dari segala bentuk ancaman fizikal dan bukan fizikal yang mempengaruhi dan merosakkan pemikiran rakyat. Panglima Formasi, Pegawai

Memerintah dan Pegawai Kanan perlu memupuk kesedaran melalui perkongsian maklumat di kalangan warga *the Navy People* agar hala tuju keselamatan luar dan dalam negara difahami. Kesedaran ini sekaligus akan memperbetulkan beberapa persepsi dan tanggapan yang tidak tepat di kalangan warga *the Navy People* mengenai isu keselamatan negara khususnya dan negara serantau amnya. DKN akan menjadi perkara penting yang perlu dihayati oleh semua warga *the Navy People*. Tindakan susulan yang wajar dilaksanakan adalah mengadakan perbincangan mengenai DKN di semua peringkat markas dan unit bertujuan mengukur sejauh mana kefahaman serta penghayatan warga *the Navy People*.



Sumber oleh: <https://www.mkn.gov.my/media/story/page/Dasar-Keselamatan-Negara.pdf>

M enjalani rutin di pusat latihan tentera yang terikat dengan peraturan dan disiplin ketat mungkin satu mimpi ngeri bagi segelintir anak muda yang inginkan kebebasan, hidup lebih interaktif dan santai. Tambahan tersepit pula dengan jadual yang padat dan langsung tiada ruang untuk melakukan aktiviti kegemaran mengukuhkan lagi spekulasi bahawa tentera adalah kerjaya sukar. Agak rumit hendak menyesuaikan diri apatah lagi untuk berubah 360 darjah!

Suka atau tidak, itulah kehidupan baharu yang mesti ditempuh Perajurit Muda (Pt M) di Pusat Latihan Rekrut (PULAREK) KD SULTAN ISMAIL (KDSI), Tanjung Pengelih Johor. Sepanjang tempoh transformasi daripada awam kepada kehidupan tentera, Pt M perlu menjalani pelbagai bentuk latihan pembinaan sahsiah dan jati diri bermula fasa asas kepada fasa lebih kritikal seperti

latihan fizikal, pembentukan rohani dan percambahan pengetahuan berkaitan ilmu ketenteraan secara khusus.

Di sini juga secara tidak langsung Pt M mengenal erti setia kawan, tanggungjawab, kerja berpasukan dan melatih diri bertindak sebagai pemimpin. Tempoh enam bulan yang dilalui bukan sahaja mampu mengubah perspektif Pt M yang agak skeptikal pada awalnya, malah turut memberi nafas baharu kepada golongan belia ini yang sanggup mengorbankan keseronokan usia muda dan meniadakan naluri remaja mereka demi tanggungjawab terhadap negara.

Tidak dinafikan PULAREK yang mula beroperasi pada tahun 1999 setelah berpindah dari Woodlands, Singapura

memainkan peranan cukup besar dalam mencorak dan melahirkan lebih 11,600 sumber manusia aktif yang menjadi tunjang kelangsungan perkhidmatan TLDM pada hari

"Saya bangga kerana kini saya sudah boleh berdikari. Latihan di sini menjadikan saya lebih matang dan cekal." - Pt M Mohd Asyraf Mohd Rafie



ini. Sebagai sebuah institusi asas, pengoperasian PULAREK juga seiring dengan perkembangan teknologi dan permintaan semasa. Tidak hairanlah jika rata-rata Pt M ketika ini memiliki kelayakan akademik yang lebih baik berbanding suatu ketika dahulu.

DI SINI LAHIRNYA PELAUT

Oleh: PW I PRL Normahaily Mohd Nor
Foto: BK KOM Shapilin Dolmat





Penerapan nilai kerjasama melalui latihan rutin termasuk semasa waktu makan.



Latihan merempuh halangan bagi membina ketahanan fizikal dan kerja berpasukan.

Melihat kesungguhan dan dedikasi yang ditunjukkan oleh para jurulatih dan Pt M pengambilan ke-216 semasa penulis membuat liputan, telah memberikan keyakinan bahawa PULAREK akan terus melahirkan modal insan masa hadapan demi merealisasikan aspirasi TN50D.



"Saya anak ke 11 daripada 12 orang adik-beradik dan saya agak manja. Sejak berada di sini saya tidak lagi bergantung dengan sesiapa."
- Pt M Zaiton Zakaria

"Dulu saya tiada keyakinan diri dan sering dibuli. Kini saya lebih berani, yakin dan tidak mudah mengalah."
- Pt M Redick Odeka



"Ini pengalaman pertama saya berjauhan dari keluarga. Pada mulanya memang sedih tetapi lama kelamaan saya rasa seronok kerana kawan-kawan tidak meminggirkan saya walaupun kami berlainan bangsa."
- Pt M Nishan Thambirajah



"Saya memang meminati kerjaya tentera yang mementingkan disiplin. Saya sangat bersemangat berada di sini."
- Pt M Gogeorgina Hilary





KD LEKIR semasa pelayaran Perang Pangkor di perairan Selat Melaka Utara. Eksesais ini merupakan platform untuk menilai keupayaan TLDM dalam melaksanakan misi sebenar di samping menguji kesiapsiagaan aset dan pasukan. Gambar diambil dari KD KASTURI.

Foto : Lt Mohamed Adib Abdul Razak TLDM



Service Centre in Rohde & Schwarz Malaysia

Your One Stop Solution Provider



**100% MALAYSIAN
CAPABILITIES**



Local Repair Facilities

- Major repairs can be performed locally up to Level 3
- Highly trained and certified engineers by R&S Headquarters
- Handling of Service Level Agreement



Local Accredited Calibration Lab

- ISO 9001:2008 and MS ISO/IEC 17025:2005 certified
- In-house calibration
- Customized Maintenance Contract



RSMY local experts provide one-stop solutions in the areas of:

- Project planning and project management,
- Design & development,
- System integration and installation,
- Technical Documentation & Logistics



M. KHAN, AMISAH BANGGA DIIKTIRAF BINTARA DAN LASKAR TERBAIK TLDM

Oleh: BK KOM Shapilin Dolmat

Foto: Cawangan Komunikasi Strategik

Menjadi sejarah bagi PW I JTP (I) Mohamad Khan Hj Mohd Newaz yang dilahirkan di Kem Batu 10, Kuantan pada 30 April 1977 apabila beliau diberi pengiktirafan sebagai Bintara Terbaik TLDM semasa Perbarisan Hari Ulang tahun TLDM ke-83 yang lalu bertempat di Pangkalan TLDM Kota Kinabalu.

Bintara yang pernah bertugas di beberapa buah kapal dan unit pangkalan aktif dalam pelbagai aktiviti rasmi yang dianjurkan TLDM. Beliau juga merupakan krew pertama KD PERAK. Sepanjang 21 tahun berkhidmat, bintara telah melalui pelbagai pengalaman manis dan juga pahit yang mendorong beliau untuk terus berbakti dengan cemerlang. Antara yang sukar dilupakan beliau ialah semasa membantu mengkoordinasikan program *6th Western Pacific Naval Symposium Senior Enlisted Leaders Working Group* (WPNS SELWG) yang berlangsung di Kuala Lumpur pada bulan Ogos 2014.

Selari perkembangan ICT di Malaysia, kemampuan kreativiti dan kesungguhan bintara menyerlah, ini kerana banyak projek Kumpulan Inovasi dan Kreatif (KIK) yang disertai olehnya menjadi manfaat dan sangat berguna, antaranya Aplikasi Kesedaran Keselamatan Komuniti

Maritim K3M yang dirasmikan pada Pameran Aeroangkasa dan Maritim Antarabangsa (LIMA) 2017 yang lepas.

Berkongsi detik kegembiraan bagi kategori Laskar ialah LK PNK Amisah Kuiming. Anak jati kelahiran Sabah ini membuat kejutan pada ibunya yang datang dari Membakut, Sabah bagi menyaksikan perbarisan tersebut.

Ibunya tidak mengetahui bahawa anak perempuan dari lapan adik beradik ini akan menerima pengiktirafan Laskar Terbaik TLDM. Perasaan terharu dan bangga bercampur sedih terbit apabila menyaksikan anaknya menerima pengiktirafan ini. Amisah banyak menabur bakti kepada perkhidmatan dan kesungguhan serta komitmen beliau dalam

melaksanakan tugas sentiasa memberikan kesenangan terhadap organisasi. Laskar Terbaik TLDM ini amat berdisiplin serta sentiasa melontarkan idea-idea kreatif.

Beliau pernah berkhidmat di Kapal Layar Diraja TUNAS SAMUDERA selama setahun lapan bulan. Terserlah kepuasan di wajah beliau ketika ditemu bual semasa berkongsi pengalaman dan pengetahuan yang diperoleh sepanjang bertugas di kapal. Wirawati ini juga pernah menyertai dan menabur bakti selama enam bulan ke misi Pertubuhan Bangsa-Bangsa Bersatu (PBB) di Lubnan. Sesungguhnya organisasi TLDM sentiasa mengiktiraf warganya yang merupakan aset penting dalam benteng pertahanan negara.





AEO-MARKAS UDARA TLDM DIIKTIRAF DGTA

Oleh: Lt Mohd Faizal bin Halim TLDM
Foto: Cawangan Komunikasi Strategik

KUALA LUMPUR - Markas Udara TLDM dipersijilkan secara rasminya sebagai *Authorised Engineering Organisation* (AEO) daripada *Directorate General Technical Airworthiness* (DGTA) berkuatkuasa 29 Mac 2017. Majlis penyampaian sijil AEO kepada Panglima Udara TLDM, Laksamana Pertama Dato' Pahlawan Alias Baharuddin telah disempurnakan oleh Ketua Pengarah DGTA, Brig Jen Dato' Dr Md Zaki bin Md Zain TUDM di Markas Tentera Laut di sini pada 8 Ogos 17 disaksikan oleh Panglima Tentera Laut, Laksamana Tan Sri Ahmad Kamarulzaman Hj Ahmad Badaruddin.

Penganugerahan sijil AEO ini amat bermakna kepada TLDM khususnya warga Markas Udara TLDM kerana merupakan organisasi pertama di kalangan *State Aircraft Operator* (SAO) dari perkhidmatan ATM dan agensi kerajaan yang bernaung di bawah DGTA yang dipersijilkan dengan sijil AEO ini. Pensijilan ini juga selaras dengan Pekeliling TLDM No. 2/17 yang telah menggariskan aspek pengurusan *technical airworthiness* pesawat TLDM selari dengan keperluan yang telah ditetapkan oleh DGTA.

Sijil AEO yang diterima oleh Markas Udara TLDM.



OPERATIONAL READINESS EVALUATION

Oleh: LK KOM Shahrul Hj Ahmad
Foto: PR MAWILLA 1



TANJUNG GELANG – *Operational Readiness Evaluation* (ORE) KD GANYANG telah diadakan pada 25 Sep 17 di Markas Wilayah Laut (MAWILLA) 1 di sini.

Ketua Bahagian Piawaian Peperangan Maritim, Kdr Ahmad Rashidi Othman TLDM diiringi Pegawai Memerintah, Lt Kdr Muhammed Syaifull Hanif Jamaluddin TLDM bersama staf penilai telah melaksanakan lawatan ke kapal bagi menilai rupa cara, tahap kesiapsiagaan kapal dan melatih serta mendedahkan kepada warga kapal berkenaan *Standard Operating Procedure* (SOP). Terdahulu, perbarisan telah dilaksanakan di Jeti MAWILLA 1 melibatkan empat pegawai dan 44 anggota.

Perbarisan diketuai Pegawai Laksana, Lt Muhammad Firdaus Rahmat TLDM selaku Pegawai Perbarisan dan PW I TMK Nor Azman Md Zaid selaku Pegawai Waran Perbarisan.

Tim penilai sedang melaksanakan pemeriksaan.





PANGKOR WAR

UJI KESIAPSIAGAAN KAPAL, ASET DAN *NAVY PEOPLE*

Oleh: Lt Mohd Faizal bin Halim TLDM

Latihan Perang Pangkor atau lebih dikenali sebagai Pangkor War Siri 5/17 telah dilaksanakan dengan jayanya pada 3 Ogos 17 melibatkan KD LEKIU, KD SRI INDERA SAKTI, KD LEKIR, KD SELANGOR dan KD MAHAMIRU.

Latihan pada kali ini turut membabitkan kehadiran Komandan Maktab Pertahanan Angkatan Tentera (MPAT), Laksma Dato' Sabri Zali, Kept (K) Prof Dato' Dr Zakaria Hj Ahmad bersama 54 peserta kursus, terdiri daripada tiga cabang perkhidmatan ATM dan peserta dari luar negara. Turut berkongsi pengalaman Pangkor War ini adalah 47 penuntut perubatan dari UPNM dan 23 staf dari STRIDE.

Secara keseluruhan, Pangkor War kali ini memberikan tumpuan kepada aspek peperangan dan Ilmu kelautan. Penilaian secara keseluruhan peralatan seperti sensor, persenjataan serta keupayaan CIC turut diberi perhatian dan penilaian. Pangkor War turut memberi peluang kepada peserta kursus MPAT, pelajar dari UPNM dan staf STRIDE melihat sendiri dengan lebih dekat tugas dan peranan yang dimainkan oleh TLDM dalam mempertahankan keamanan dan kedaulatan negara.



A
B



A Penilaian aspek kesiagaan tim anjungan kapal sedang dilaksanakan.

B Penuntut kursus MPAT menyaksikan tim anjungan mengendalikan latihan.



MTA 2017 BERI PELUANG TLDM UJI TAHAP KESIAPSIAGAN

Oleh: Lt Kdr Rahimah Taib TLDM

BUAT julung kalinya TLDM telah melaksanakan eksekais dua hala bersama Tentera Laut Amerika Syarikat iaitu *Maritime Training Activities* (MTA) 2017. Eksekais MTA TLDM-TLAS 2017 telah diadakan di perairan utara Selat Melaka dan Pangkalan TLDM, Lumut bermula 18 hingga 26 Sep 17.

Fasa Pelabuhan pada 18 hingga 24 Sep 17 merangkumi ketibaan kapal dan aset TLAS, aktiviti kunjungan hormat, majlis pembukaan, kelas *Subject Matter Expert Exchange* (SMEE) pelbagai lapangan, latihan Pasukan Khas, resepsi, latihan *Action Speed Tactical Training* (ASTT) di PUSTAKMAR, perbincangan Pegawai Operasi, taklimat pra-pelayaran, *Post Exercise Debrief* (PXD) bagi fasa pelabuhan dan majlis penutup. Fasa Laut pada 26 Sep 17 dilaksanakan di perairan utara Selat Melaka merangkumi siri latihan *Maritime Interdiction Operation* (MIOP), *Deck Landing Qualification* (DLQ), PHOTEX dan manuvra taktis.

Eksesais dilaksanakan secara *Field Training Exercise* (FTX) dengan keutamaan diberikan terhadap keselamatan maritim. Penglibatan aset TLDM iaitu KD LEKIU bersama sebuah pesawat Super Lynx dan KD LEKIR manakala aset Armada TLAS adalah USS CORONADO bersama sebuah pesawat MH-60S. Selain itu, eksekais turut melibatkan sesi percambahan ilmu, ceramah, kursus dan latihan praktikal sepanjang fasa laut sebagai aktiviti SMEE.

Semasa fasa laut, TLDM dan TLAS berpeluang melaksanakan beberapa eksekais seperti *Visit, Board, Search and Seizure* (VBSS), latihan menggeledah gabungan USS CORONADO dan KD LEKIU selain penukaran *Sea Rider* KD LEKIU dan KD LEKIR dengan USS CORONADO.



EKSESAIS MALAPURA 2017

Oleh: Lt Muhammad Hazwan bin Bahari TLDM

EKSESAIS MALAPURA 27/17 telah dilaksanakan mulai 18 hingga 28 Jul 17 melibatkan aset daripada Tentera Laut Diraja Malaysia (TLDM) dan Tentera Laut Republik Singapura (TLRS). Objektif utama eksekais ini bertujuan meningkatkan persefahaman dan kerjasama di antara TLDM dan TLRS dalam pelaksanaan latihan yang telah dirancang.

Aset TLDM yang terlibat adalah KD LEKIU (bersama pesawat Super Lynx), KD KASTURI dan KD SELANGOR manakala aset TLRS yang terlibat adalah RSS FORMIDABLE (bersama pesawat S-70B), RSS VICTORY dan RSS RESILIENCE. Aset sokongan yang turut terlibat dalam latihan adalah KD KINABALU (Leadthrough), CB 90 (Opposed Departure) dan pesawat pejuang F-18D (Air Defence Exercise).

Beberapa lawatan juga telah dilaksanakan oleh warga kapal TLRS ke atas beberapa unit TLDM seperti KD PELANDOK (WASPADA dan TANGKAS) dan PUSTAKMAR.

Anggota KD LEKIU mengendalikan peralatan sistem peperangan di Pusat Operasi Tempur.





EKSESAIS Wira Laut East 2017 telah diadakan di Pantai Manis, Semporna pada 29 Jul 17 bertujuan menguji dan mempertingkatkan kemahiran Tim Penggempur PASKAL KD SRI SEMPORNA.

Antara objektif utama eksemais ini adalah menguji keupayaan Tim Gempur PASKAL dalam mengkoordinasi dan melaksanakan misi menyelamatkan tebusan berlatarkan senario yang bersesuaian dengan ancaman pada masa kini. eksemais kali ini melibatkan aktiviti mengumpul maklumat serta perisikan dari Sel Risik Gempur, hantaran permukaan ke kawasan sasaran oleh Sel Bot Tempur manakala Tim Gempur PASKAL telah dipertanggungjawabkan melakukan serangan ke atas khemah musuh melalui pendaratan amfibi seterusnya menyelamatkan tebusan.



EKSESAIS HORNBILL 26/17

Oleh: Mej Roslan bin Zek Ibrahim Khalil TUDM
Foto: LK PBK Dominex Engging / LK TNL Zaki

EKSESAIS bilateral antara TLDM dan Tentera Laut Diraja Brunei (TLDB) yang dikenali sebagai Eksemais HORNBILL 26/17 telah berlangsung selama empat hari bermula 18 hingga 21 September lalu diketuai Kept Mohd Norizal Fahrudin TLDM sebagai *Commander Task Group* dan dibantu Kdr Hj Ariwwin Hj Mohd Ali TLDB sebagai *Deputy Commander Task Group*.

Latihan gabungan ini dilaksanakan sepenuhnya secara *Command Post Exercise* di PUSTAKMAR menggunakan kaedah *Table Top* dan Olah Perang. Peserta eksemais dapat melaksanakan perancangan operasi maritim melalui simulasi olah perang sistem *Action Speed Tactical Trainer*.

Platform seumpama ini berkesan dalam meningkatkan hubungan dua hala antara TLDM dan TLDB di samping memantapkan interoperabiliti serta penguasaan dalam bidang taktik peperangan maritim.

Pegawai TLDB diberi penerangan berkenaan pelaksanaan *Table Top*.





WPNS JOIP DAN ANYOI

BUKTI NEGARA LUAR MENGIKTIRAF TLDM

Oleh: Lt Kdr Nor Melissa Yayanto TLDM

Foto: Lt M Mohd Nabil Zafril bin Mohd Nasir PSSTLDM

Kredibiliti dan kehebatan TLDM diperakui oleh tentera laut negara luar apabila berjaya menjadi tuan rumah bagi penganjuran pertama *Western Pacific Naval Symposium Junior Officer Interaction Program* (WPNS JOIP) dan tuan rumah keenam program *ASEAN Naval Young Officer Interaction* (ANYOI). Lakaran sejarah yang tercipta ini berlangsung pada 25 hingga 29 Okt 17 melibatkan 48 pegawai muda daripada 24 negara termasuk Malaysia. Kedua-dua program ini digabungkan sejajar dengan objektif program iaitu untuk memberi pendedahan kepada pegawai muda mengenai kepentingan hubungan kerjasama serantau selain dapat berinteraksi di kalangan tentera laut negara pasifik dan negara ASEAN.

Beberapa aktiviti menarik telah disusun sepanjang program termasuklah beberapa siri taklimat mengenai *Traffic Separation Scheme*, *Code for Unplanned Encounters at Sea* dan eRAKAM. Tidak ketinggalan, pegawai-pegawai muda ini juga turut disajikan dengan aktiviti *Malaysia Eyes in the Sky* oleh aset bantuan daripada TUDM dan *Hostage Rescue Demonstration* yang dilaksanakan oleh PASKAL di atas Kapal Latihan GAGAH SAMUDERA. Setibanya di Pangkalan TLDM Lumut, kesemua peserta mengambil peluang melawat PUSTAKMAR, KD DUYONG dan KD PELANDOK bagi melihat sendiri fasiliti latihan dan simulator yang terdapat dalam TLDM. Peserta juga berkesempatan bertemu dengan Pegawai Dalam Latihan KDS11 menerusi perlawanan persahabatan Bola Tampar yang dilaksanakan di Stadium Tertutup Pangkalan TLDM Lumut.



Program empat hari ini, meskipun singkat namun semua pegawai muda ini mengambil peluang untuk berkongsi cerita mengenai negara mereka serta bidang kerjaya dan pengalaman mereka dalam tentera laut masing-masing. Apa yang boleh dilihat sepanjang program, pegawai-pegawai muda ini dapat berinteraksi dan saling membantu antara satu sama lain tanpa mengira negara, agama, bangsa, warna kulit dan budaya. Kemesraan yang disemai sepanjang program ini mampu membuahkan hasil jangka panjang apabila pegawai-pegawai muda ini menyandang jawatan-jawatan tertinggi dalam tentera laut masing-masing kelak.

Perasmian pembukaan 1st WPNS JOIP dan 6th ANYOI disempurnakan oleh Timbalan Menteri Pertahanan, Datuk Seri Mohd Johari Baharum dalam satu majlis meraikan kehadiran pegawai-pegawai muda di Pusat Hidrografi Nasional. Turut hadir adalah Panglima Tentera Laut dan pegawai-pegawai kanan TLDM. Manakala majlis penutup disempurnakan oleh Timbalan Panglima Tentera Laut di Wisma Perwira ATM.

TEKNOLOGI MODEN ALTRIZ PERTAJAMKAN KEMAHIRAN *THE NAVY PEOPLE*

Oleh: BM TLR Mohamad Asri Md Zlan
Foto: LK TLR Suhairi Mohamed Ali

Penyelaku *Fleetwork Trainer* (FWT) di KD PELANDOK telah dibangunkan dan digunakan sejak tahun 1980. Namun ianya hanya menggunakan peralatan asas sesuai dengan zaman tersebut. Selaras dengan pemodenan teknologi dan juga aset tempur masa kini, penyelaku ini telah menerima sistem simulator Altriz yang dibangunkan oleh syarikat Altriz Technology Sdn. Bhd. pada tahun 2012 dengan kerjasama Universiti Pertahanan Nasional Malaysia. Bermula dari itu, corak latihan komunikasi taktikal telah berubah.

Umum mengetahui latihan simulator merupakan satu corak latihan yang berkesan sebagai persediaan menghadapi situasi sebenar. Latihan berterusan di simulasi mampu membentuk kompetensi

seseorang. FWT KD PELANDOK dioperasikan di bawah kendalian Sekolah Pengajian Komunikasi dan Peperangan Elektronik (SPKPE). Pusat simulasi ini memiliki 10 kubikel untuk pelatih dan satu konsol jurulatih. Ianya mampu memuatkan kira-kira 30 pelatih dalam satu-satu masa.

Latihan di FWT menawarkan pembelajaran dalam suasana lebih kondusif. Ia dilengkapi Carta Navigasi Elektronik dan Sistem Rangkaian Setempat yang membolehkan pelbagai evolusi di laut disimulasikan. Fungsi utama FWT adalah untuk melatih warga *the Navy People* latihan manuvra taktik selain boleh dioptimumkan untuk latihan *Deck Landing Training*, *Replenishment at Sea*, peperangan permukaan dan bawah permukaan serta banyak lagi. Bagi mewujudkan

suasana seakan sebenar, sistem ini menyediakan paparan dalam bentuk 2D dan 3D. Ianya juga menyokong fungsi kesan bunyi dan sistem komunikasi setempat bagi membolehkan latihan komunikasi taktikal dilaksanakan. Simulator FWT mempunyai sistem visual yang dapat melihat pemandangan visual 360 darjah hingga menghasilkan visual seperti keadaan sebenar semasa di laut. Selain itu, sudut pandang boleh berada dalam pelbagai jarak dengan fungsi zoom yang digunakan. Di samping itu, mod paparan binokular juga boleh diaktifkan. Simulator FWT mempunyai sistem audio untuk menghasilkan suara yang realistik dan jelas. Contohnya penggera boleh dimulakan untuk mensimulasikan pelbagai kerosakan sistem, termasuk enjin, stereng, dan kegagalan bantuan navigasi.



Visual grafik yang mampu dipaparkan oleh sistem Altriz.

Dalam usaha TLDM melatih dan melahirkan *the Navy People* agar menjadi tentera laut bertaraf dunia, sistem simulator FWT ini perlulah digunakan sebaik mungkin bagi meningkatkan tahap profesionalisme anggota dan kesiagaan pasukan. Selaras dengan pemodenan aset tempur dan aset sokongan TLDM masa kini, setiap lapisan *the Navy People* harus mempunyai pengetahuan dan kemahiran dalam mengendalikan sistem serba moden ini.



Visual grafik pada waktu malam.



Pelatih mengendalikan konsol di dalam kubikel



Jurulatih mengendalikan konsol latihan.

INISIATIF TLDM MEMPERKASA TEKNOLOGI MAKLUMAT

Oleh: Kept Dr. Hisyam Harun TLDM

Pengenalan

Teknologi Maklumat (IT) telah berkembang dalam organisasi Tentera Laut Diraja Malaysia (TLDM) selari dengan konsep teknologi terkini. Penyediaan dan peningkatan terhadap infrastruktur serta infostruktur IT memberi gambaran yang jelas terhadap keprihatinan Pihak Pengurusan Tertinggi TLDM untuk menjadikan TLDM sebagai sebuah eOrganisasi.

Perkembangan Teknologi Maklumat TLDM

TLDM telah menggunakan IT sejak tahun 1999 dengan menyediakan infrastruktur dan infostruktur melalui projek pengkomputeran yang menfokuskan kepada konsep pengujian teknologi dan juga kajian rintis penerimaan IT dalam organisasi TLDM. Pelaksanaan IT TLDM adalah berdasarkan kepada Perancangan Strategik Teknologi Maklumat yang dirancang setiap 5 tahun dengan perolehan projek pengkomputeran di semua markas dan unit TLDM yang terdiri daripada peralatan IT, perisian dan juga aplikasi.



Kronologi revolusi ICT dalam TLDM.

Konsep Pelaksanaan IT dalam TLDM

Dalam keadaan kekangan kewangan yang dihadapi pada masa kini, pembangunan IT TLDM menfokuskan pembangunan projek yang dapat memberi faedah kepada warga TLDM secara menyeluruh seperti menyediakan

perkhidmatan internet WI-FI di Pangkalan TLDM Lumut. Penyediaan ini membolehkan TLDM mengamalkan konsep *Bring Your Own Device* (BYOD) di mana warga TLDM menggunakan peralatan persendirian seperti telefon pintar.

Sebagai usaha menggalakkan penggunaan IT warga TLDM konsep *virtual engagement* serta penyampaian maklumat melalui *crowdsourcing* telah dilaksanakan dalam organisasi TLDM. Setiap warga TLDM diperuntukkan alamat emel bagi merangsangkan budaya IT dalam organisasi serta menggalakkan warga TLDM menggunakan Emel Rasmi TLDM sebagai saluran komunikasi utama dalam perhubungan di dalam dan luar organisasi.

Inisiatif IT TLDM

Inisiatif yang dilaksanakan oleh TLDM mengambil kira keperluan untuk menyediakan kemudahan bagi menyokong keperluan *the Navy People* terhadap *Digital Natives* yang membolehkan *Always Connected*.

The Digital ICT Landscape telah meningkatkan bilangan penggunaan



internet di kalangan *the Navy People* bagi penggunaan biasa dan dikategorikan sebagai komponen utama dalam *RMN ICT Drive*. Inisiatif ini juga dapat memacu IT ke dalam pembudayaan organisasi TLDM.

Pendekatan Unik Dekati Masyarakat Melalui Media Sosial TLDM

TLDM sangat komited dalam menyalurkan maklumat semasa kepada umum. Di samping penyebaran maklumat menggunakan media arus perdana, TLDM menggunakan platform media sosial bagi tujuan promosi secara lebih meluas kepada masyarakat umum. Dalam masa yang sama turut memberi maklumat yang tepat berkenaan isu semasa berkaitan TLDM.

Cawangan Komunikasi Strategik, Markas Tentera Laut bertanggungjawab dalam mengurus dan memantau laman rasmi media sosial TLDM di Facebook, Twitter, Instagram dan YouTube. Kaedah ini digunakan sebagai platform utama untuk mendekati masyarakat umum.

TLDM menggunakan media sosial untuk melaksanakan kempen kesedaran masyarakat antaranya ialah 'No Chatting', 'Safety at Sea' dan 'Penggunaan gajet secara berhemah'.

Aktiviti pengumpulan bahan visual berbentuk gambar dan video dalam tugas harian telah menghasilkan penubuhan 'Tim AHoy!!!' dan penerbitan berita semasa yang disampaikan dalam bentuk visual yang sangat menarik. Konsep 'AHoy!!!' kini telah menjadi trend dalam kalangan perkhidmatan

Kekangan Pelaksanaan

Inisiatif yang telah dan akan dilaksanakan oleh TLDM mampu memberi impak yang amat baik kepada warga TLDM dan juga masyarakat umum.

Walau bagaimanapun, terdapat beberapa kekangan yang perlu diberi perhatian sepenuhnya bagi memastikan inisiatif yang dilaksanakan dapat berjalan dengan lancar.

Penutup

Secara keseluruhannya perkembangan IT dalam TLDM telah berkembang mengikut peredaran semasa teknologi IT terkini dengan mengambil kira teknologi seperti *Internet of Things* (IoT), *BYOD*, *Big Data Analytic* (BDA).

Pengurusan Tertinggi TLDM menggalakkan semua warga TLDM supaya mempunyai akaun media sosial seperti Facebook, Instagram dan Twitter bagi tujuan mempromosikan TLDM kepada masyarakat mengenai aktiviti-aktiviti semasa TLDM. Ianya boleh dilaksanakan seperti *retweet*, *like* dan berkongsi post aktiviti yang dilaksanakan oleh Markas dan unit-unit di bawah naungan.

Walau bagaimanapun warga *the Navy People* diingatkan supaya sentiasa berhemah dan beretika dalam mengendalikan akaun media sosial masing-masing mengikut garis panduan yang telah dikeluarkan TLDM. Warga *the Navy People* juga perlu menjaga kerahsiaan perkhidmatan dan tidak sewenang-wenangnya menyebarkan maklumat kepada umum.



Paparan Navy Update oleh Lt Izwan Azir Salleh PSSTLDM.



Dunia kini berubah dengan pantasnya. Perkembangan dalam bidang teknologi maklumat dan pencapaian dalam bidang sains dan teknologi membolehkan proses globalisasi berlaku dengan cepat. *Change is the only constant* merupakan frasa yang sering kita dengar dan menjadi lumrah kehidupan masa kini. Akur dengan realiti kehidupan kontemporari dan keperluan berdaya saing, kerajaan Malaysia telah memperkenalkan beberapa inisiatif untuk mempersiapkan negara bagi menghadapi dunia yang sentiasa berubah.

Antara inisiatif yang diperkenalkan oleh kerajaan ialah program TN50. Ianya merupakan satu pelan untuk membentuk masa depan Malaysia bagi tempoh 2020 hingga 2050. Fokus diberikan kepada generasi muda

yang menjadi tunjang kepada inisiatif menjana aktiviti ekonomi dalam dunia berteraskan IT masa kini dan membentuk negara yang berkaliber dan mempunyai mentaliti bertaraf dunia. Industri pertahanan merupakan antara industri yang boleh diceburi oleh generasi muda dan membina karier jangka panjang di dalamnya. Ini kerana ia melibatkan penggunaan teknologi, peralatan dan sistem yang canggih serta memerlukan kepakaran bukan sahaja dalam bidang ketenteraan malah banyak disiplin lain yang berkaitan. Bagi negara seperti Malaysia yang mementingkan pertahanan wilayahnya, adalah penting tumpuan diberikan untuk menyediakan aset pertahanan dan sumber manusia terlatih.

Justeru, para pemain dalam industri ini mempunyai peranan yang sangat besar dalam mem-

bantu membangunkan tahap kepakaran sumber manusia dan merealisasikan TN50. Ini menuntut pendekatan kreatif dan inovatif dari pihak yang terlibat supaya boleh terus menyokong pertahanan negara dengan melahirkan sumber manusia terlatih, berkeupayaan dan cekap.

Pelan Transformasi 15TO5 Dalam Konteks TN50

Dalam merealisasikan hasrat TN50, TLDM memerlukan armada dan kesiapsiagaan aset di tahap optimum bagi memenuhi keperluan tugas dan operasinya secara efektif. Menyedari hakikat tersebut, TLDM memperkenalkan Pelan Transformasi 15to5 yang bermatlamat untuk menstruktur semula armadanya dari 15 kelas kepada lima kelas kapal bagi mengurangkan kos penyelenggaraan dan operasi.

Bagi menjalan dan menyempurnakan pelan transformasi ini, TLDM memerlukan kakitangan yang berinovatif dan cekap yang disokong oleh para pemain dalam industri pertahanan, pembinaan dan pembaikan kapal. TLDM bakal menghadapi cabaran yang bukan kecil dalam perjalanannya merealisasikan Pelan 15to5 ini dan dalam masa yang sama mengekalkan kewibawaannya dengan aset yang bermutu dan kakitangan yang cekap yang diurus dan dikekalkan secara kos efektif.

LCS: Aset Penting 15to5 dan Peranannya Menjayakan TN50

Salah satu aset dari lima kelas dalam armada TLDM yang disasarkan oleh Pelan 15to5 ialah *Littoral Combat Ships* (LCS). Tarikh 24 Ogos 2017 merupakan hari bersejarah TLDM di mana ia menanda-

LCS DALAM KONTEKS MENJAYAKAN TN50

Oleh: Nazery Khalid, Setiausaha Kehormat Persatuan Industri Marin Malaysia
Foto: PR Markas Pemerintahan Armada Barat



kan penamaan dan pelancaran kapal LCS pertama (LCS1) daripada enam unit LCS yang dibina oleh Boustead Naval Shipyard (BNS). Kapal LCS1 yang canggih dan berkuasa tinggi ini dinamakan LCS1 MAHARAJA LELA sempena Dato' Maharaja Lela yang mengetuai perjuangan menentang penjajahan British di negeri Perak. Ia merupakan penanda aras baharu dalam sejarah pertahanan maritim Malaysia, sebuah negara yang dikelilingi lautan yang mengandungi kepentingan ekonomi dan strategik yang sangat tinggi kepadanya.

Dalam ucapannya sewaktu majlis penamaan dan perasmian LCS1 tersebut, Menteri Pertahanan, Datuk Seri Hishammuddin Tun Hussein berkata enam unit LCS itu bakal menjadi tunggak Pelan 15to5 dan armada TLDM dalam mempertahankan kedaulatan maritim negara. Menurut beliau, perkembangan situasi keselamatan sejagat dan serantau ketika ini meletakkan fokus khusus kepada keupayaan dan kekuatan agensi-agensi maritim negara.

Perhatian terutamanya bertumpu kepada aspek kesiapsiagaan aset dan kelengkapan yang merupakan komponen kritikal dalam menentukan keupayaan agensi-agensi tersebut untuk memantau dan mencegah pencerobohan. Strategi TLDM bagi memenuhi keperluan pertahanan maritim dibuat dalam keadaan ekonomi yang tidak menentu. Namun, pendekatan berfikir di luar kotak membolehkan TLDM untuk mendapat aset yang dikehendakinya dan mencukupi bagi memainkan peranan penting dalam memelihara kedaulatan dan kepentingan maritim



DYMM Raja Permaisuri Perak, Tuanku Zara Salim melancarkan kapal LCS pertama.

negara.

Penglibatan Rakyat Tempatan

Sewaktu majlis penamaan dan pelancaran LCS1 MAHARAJA LELA, YBhg Tan Sri Ahmad Ramli Hj Mohd Nor, Pengarah Urusan BNS dalam ucapannya menyatakan kejayaan melancarkan LCS1 merupakan satu detik bersejarah kepada semua yang terlibat dalam projek ini.

Pelancaran LCS1 ini juga membuktikan keupayaan dan kemampuan rakyat tempatan untuk bersaing dalam industri berat khususnya teknologi ketenteraan dan perkapalan. Walaupun projek sebegini julung kali diadakan di Malaysia, BNS bersungguh-sungguh memastikan kapal ini dibina mengikut spesifikasi, dalam tempoh yang ditetapkan dan juga pada kos yang diperuntukkan.

Cabaran yang dihadapi dan pengalaman yang diraih dalam menyiapkan kapal ini tentunya bakal menjadi panduan berharga kepada BNS untuk membina kapal-kapal LCS seterusnya. TLDM dan BNS boleh berbangga dengan penglibatannya dalam projek yang berprestij dan mempunyai nilai strategi yang tinggi ini. Semoga usahasama kedua-dua organisasi ini khususnya dan pelbagai inisiatif oleh agensi-agensi pertahanan lain amnya bakal menzahirkan tenaga kerja cekap, inovatif dan berwibawa yang boleh mengangkat nama industri pertahanan Malaysia di persada global. Pelancaran LCS1 MAHARAJA LELA tidak mungkin dicapai tanpa usaha gigih dan dedikasi para pekerja dari pelbagai lapisan dan bidang kepakaran dari TLDM serta sokongan penguurusan BNS dan BHIC. Ia menjadi bukti kebolehan rakyat Malaysia dan syarikat tempatan dalam menangani projek yang besar dan rumit sebegini.

DYMM Paduka Seri Sultan Perak mendengar penerangan dari Panglima Tentera Laut.



Melalui program pembinaan kapal LCS1, BNS telah membantu membangunkan beberapa syarikat kecil sederhana tempatan terutamanya di kalangan bumiputera. Ini termasuklah syarikat-syarikat yang terlibat dalam pembuatan komponen dan peralatan yang memenuhi piawaian antarabangsa dan berupaya bersaing di pasaran antarabangsa.

Adalah diharapkan syarikat-syarikat yang dibimbing oleh BNS melalui Program Pembangunan Vendor atau VDP bakal diberi peluang untuk terlibat dalam projek-projek besar kerajaan yang seumpamanya di masa akan datang.

SHARIFF KALAM KHAZANAH TLDM TAK TERNILAI

Oleh : Lt Kdr Nor Melissa Yayanto TLDM

Foto : Ihsan Arkib Negara Malaysia dan PUSMAS TLDM

31 OGOS 1957 merupakan tarikh bersejarah negara apabila Tanah Melayu dibebaskan daripada pemerintahan British. Ia menandakan berakhirnya dilema penjajahan British ke atas Tanah Melayu. Tarikh tersebut juga menyaksikan seluruh rakyat hadir termasuklah Raja-raja Melayu, membanjiri Stadium Merdeka untuk menjadi saksi bendera Persekutuan Tanah Melayu berkibar secara rasmi. Di saat negara mengukir sejarah, terdapat juga insan yang turut melukis garis-garis sejarah dalam perjalanan hidup beliau. Penulis berpeluang bersemuka dengan salah seorang veteran TLDM yang menggalas tugas sebagai penaik bendera Persekutuan Tanah Melayu pada tarikh keramat tersebut. Peluang ini ternyata merungkai pelbagai pengalaman pahit dan manis beliau sepanjang berkhidmat dalam TLDM. Lt Kdr Sharif Kalam TLDM (B) atau lebih dikenali sebagai

'Pak Haji' merupakan anak jati Batu Pahat, Johor. Beliau merupakan bekas pelajar Sekolah Melayu, Sekolah Agama dan Sekolah Inggeris di Batu Pahat sebelum bekerja di Majlis Perbandaran Batu Pahat. Walau bagaimanapun, darah anak muda ini menyebabkan beliau tidak betah berada di pejabat dan mengambil keputusan untuk menyertai Tentera Laut Diraja Malaya pada 7 Julai 1955 sebagai anggota Lain-Lain Pangkat. Beliau diserapkan ke Cawangan Komunikasi Taktikal (KMT) dan diarahkan bertugas di KD SRI SELANGOR (HDML 3509).

Kapal tersebut dikemudi oleh Lt Ismail bin Hassan TLDM yang merupakan pegawai melayu pertama dilantik oleh British untuk memerintah kapal dalam Tentera Laut Diraja Malaya. Menurut beliau, rondaan kapal pada ketika itu banyak bertumpu di kawasan sungai Johor untuk mencegah aktiviti lanun.

Setelah 8 bulan bertugas di KD SRI SELANGOR, beliau mengikuti kursus lanjutan kepakaran selama 6 bulan. Semasa mengikuti kursus ini, beliau mendapat tawaran yang tidak pernah terlintas dalam fikiran beliau iaitu mengambil bahagian dalam upacara menaikkan bendera pada peristiwa bersejarah 1957. Beliau menyifatkan ianya adalah rezeki dan anugerah Illahi kerana beliau dan dua lagi rakannya dipilih tanpa melalui sebarang ujian

atau pemilihan. Mereka bertiga bergerak menuju ke Kuala Lumpur sebagai persediaan awal. Beliau dan rakan yang lain berbincang sesama sendiri "Mungkin kita kena bawa bendera macam yang kita selalu buat dalam TLDM". Setibanya di Kuala Lumpur, barulah diketahui bahawa mereka dipertanggungjawabkan menaikkan bendera Persekutuan Tanah Melayu. Tanggungjawab ini ternyata mengubah persepsi mereka kerana upacara yang akan dilaksanakan ini bukanlah upacara yang biasa dan boleh dipandang sebelah mata sahaja, namun ianya adalah detik bersejarah buat negara.

Memandangkan bendera dan lagu Negaraku akan diperkenalkan buat kali pertama pada tarikh keramat tersebut, maka latihan dilaksanakan pada waktu malam di Depoh Latihan Polis (kini dikenali sebagai PULAPOL) bagi mengelakkan daripada didengari dan dilihat oleh orang ramai. Latihan dilaksanakan bagi memastikan mereka boleh menaikkan bendera mengikut irama lagu Negaraku sebelum menjelang tarikh keramat tersebut.

Menjelang 31 Ogos 1957, upacara yang dirancang pada jam 7 pagi terpaksa ditunda berikutan hujan lebat yang turun sejak jam 3 pagi. Beliau bersama petugas-petugas negara setia berada di Stadium Merdeka menunggu ketibaan penduduk Tanah Melayu dan orang-orang kenamaan untuk menjayakan upacara tersebut. Setelah melihat orang ramai mula berpusu-pusu ke Stadium Merdeka, keseluruhan tubuhnya gemuruh malah hampir menangis dek kerana sayu menyedari dirinya berada di tengah lautan manusia melaksanakan tugas yang tidak mungkin akan berulang.

Turut hadir dalam upacara bersejarah ini adalah orang-orang kenamaan daripada lebih 30 buah negara untuk mendengar sendiri watah perlembagaan bagi kemerdekaan Tanah Melayu. Watah itu kemudiannya diserahkan kepada Tunku Abdul Rahman Putra Al Haj sebelum melaungkan perkataan "Merdeka!"





sebanyak tujuh kali. Laungan itu kemudiannya disambut dengan tembakan meriam sebanyak 100 das dan Dato' Hassan Azhari mengumandangkan laungan azan.

Beliau mengakui perasaan takut dan gemuruh itu muncul dalam sanubarinya kerana pelbagai kemungkinan boleh berlaku seperti tali bendera putus atau bendera terjatuh ke tanah. Sementelahan, bendera yang akan dibawa naik itu merupakan bendera pertama negara yang akan dikibarkan setelah mendapat kemerdekaan daripada British. Ketika menaikkan bendera Persekutuan Tanah Melayu, rasa terharu dan sayu terdetik dalam sanubarinya kerana akhirnya Tanah Melayu mempunyai negaranya sendiri.

Apabila ditanya mengenai corak pemerintahan sebelum kemerdekaan dan selepas kemerdekaan, beliau bersyukur Tanah Melayu mendapat kemerdekaan kerana semestinya

terdapat perubahan yang cukup besar. Pentadbiran yang dipimpin oleh anak bangsa sendiri lebih memikirkan kepada kepentingan negara. Namun, beliau juga menyifatkan pentadbiran British terutamanya dalam TLDM amat membantu warga TLDM mengenai selok belok pengurusan dan pentadbiran sehingga TLDM mengecapi kejayaan seperti hari ini.

Sepanjang perkhidmatan beliau selama 32 tahun, beliau pernah diperjawatkan sebagai Pegawai Laksana di KD DUYONG, KD SRI BANGGI dan Berek TLDM Woodlands. Beliau juga diberi tanggungjawab menggalas tugas Pegawai Memerintah di Stesen Komunikasi TLDM Kuantan dan Stesen Komunikasi TLDM Labuan sebelum menamatkan perkhidmatan pada 15 Apr 1987. Beliau memilih untuk menetap di Johor Bahru usai perkhidmatan untuk berbakti kepada masyarakat sebagai AJK Agama dan Pengerusi Koperasi Ladang.

Kontinjen Merdeka 1957 di Stadium Merdeka.



Shariff semasa menaikkan bendera Malaysia pada 31 Ogos 1957.

Sepanjang 30 tahun mengintai TLDM dari kejauhan, beliau berbangga dengan pencapaian dan pengiktirafan yang diterima oleh TLDM. Walau bagaimanapun, beliau menasihatkan warga TLDM agar tidak lupa diri serta jangan sesekali melupakan sejarah dan asal usul. Beliau menegaskan TLDM perlu memastikan disiplin setiap anggota TLDM sentiasa berada di tahap tertinggi setanding dengan uniform yang disarung. Beliau mengingatkan bahawa disiplin itu datang dalam diri sendiri sebelum mencorakkannya kepada orang lain.

Sebagai seorang veteran berpengalaman dan berjasa kepada perkhidmatan dan negara, Lt Kdr Sharif Kalam TLDM (B) boleh disifatkan sebagai khazanah TLDM yang tiada tolok tandingan dan wajar dihargai selagi hayat dikandung badan.




The Navy People



The Navy People

The Navy People
The Navy People
The Navy People
The Navy People





The Navy People

The Navy People

The Navy People

The Navy People



DEDIKASI SETANDING LELAKI

PW I RATNA TIDAK GENTAR

Oleh : PW I PRL Normahaily Mohd Nor

Foto : PR Markas Pemerintahan Armada Barat

Siapa kata wanita tidak mampu memegang teraju? Pelantikan Pegawai Waran (PW) I TNL Ratnawati Hj Muhammad sebagai PW Markas Udara pada 11 Okt 17 lalu telah membuktikan bahawa wanita juga layak. Menariknya, wanita hebat ini turut memecah tradisi apabila menjadi wanita pertama diiktiraf menyandang jawatan yang selama ini dimonopoli anggota lelaki.

Pengiktirafan

"Saya berasa amat teruja, bersyukur dan menzahirkan setinggi-tinggi penghargaan kepada pihak tertinggi TLDM yang telah meletakkan kepercayaan dan amanah kepada saya sebagai Pegawai Waran Markas (PWM) bagi Markas Udara (MU) TLDM. Ini satu pengiktirafan buat saya," ujarnya bangga.

Latar Belakang

Perjalanan karier anak keempat daripada enam adik-beradik ini bermula pada 17 Julai 1995 di Berek TLDM Woodlands, Singapura.

Dilahirkan pada 12 Jan 77, PW I Ratna mendapat pendidikan awal di Sekolah Kebangsaan Felda Kemelah dan di Sekolah Menengah Kebangsaan Tenang Stesen. Beliau yang masih bujang, kini menetap di Seri Manjung, Perak.

Telah berkhidmat lebih 22 tahun dalam perkhidmatan TLDM, PW I Ratna mempunyai kepakaran khas Katalog setelah mengikuti kursus katalog selama empat bulan ketika berkhidmat di Markas ATM-MAFCA.

Antara unit-unit yang beliau pernah berkhidmat adalah Depot Bekalan Armada Barat, Markas ATM-MAFCA, Markas Tentera Laut-Material, Markas Logistik Barat, Markas Pemerintahan Armada Barat, Markas Pangkalan Lumut, Depot Bantuan Barat dan kini di Markas Udara TLDM.

Istimewa

PW I Ratna mempunyai sisi istimewa. Berperwatakan lembut, namun cukup tegas dan serius dalam kerjayanya. Tidak keterlaluan jika dikatakan ketegasannya seiring dengan kebijaksanaan dan kredibiliti yang dimiliki malah beliau juga begitu berwibawa dan berdedikasi. Tidak hairanlah beliau sangat disenangi serta mudah didekati dek kebijaksanaannya berkomunikasi. Keistimewaan itu telah diintai lama sehingga menarik perhatian pihak atasan untuk meletakkan beliau ke peringkat yang lebih membanggakan kini.

Bangga Anggota Wanita Diiktiraf

Memecahkan pemikiran tipikal yang mengatakan wanita tidak sesuai memegang jawatan tinggi, PW I Ratna tegas membidas.

"Tiada yang mustahil sama ada saya mahupun PW wanita lain dilantik memikul jawatan PWM. Pekeliling TLDM No.1/15 bertarikh 27 Apr 15 juga ada menyatakan bahawa kriteria pemilihan terbuka kepada anggota lelaki dan wanita.

"Secara rasminya saya dilantik sebagai PWM kerana memenuhi syarat-syarat kelayakan yang telah ditetapkan di samping melalui sesi temuduga khas," katanya.

Ya, ternyata kata-kata beliau itu benar. Tidak dinafikan, beliau sememangnya memenuhi kriteria bersesuaian untuk memikul tanggungjawab.

"Kalau saya layak dan melebihi jangkaan, apa salahnya," ungkapnya yakin.

Wanita TLDM pada hari ini tambahannya, dilihat memainkan peranan sama penting dengan anggota lelaki dalam pembentu-

kan dan pembangunan kerjaya. Khidmat dan bakti golongan ini juga boleh diguna pakai dalam menyokong merealisasikan Misi dan Visi TLDM.

"Ini telah terbukti apabila semakin ramai kaum wanita dilantik memegang jawatan penting dan tertinggi dalam perkhidmatan," ujar beliau.

Restu Ibu Bapa

Mengakui berasa bangga kerana kewibawaan dan peranan anggota wanita tidak dipinggirkan malah diiktiraf setanding anggota lelaki, PW I Ratna turut berkongsi kegembiraan itu bersama ibu dan bapa beliau.

"Kejayaan ini berkat doa dan restu mereka sehingga saya berada pada tahap yang saya sendiri tidak jangkakan dan ini merupakan saat paling mencabar sepanjang kerjaya saya," katanya lagi.

Aktif Sukan

PW I Ratna amat meminati sukan ekstrem dan turut aktif dalam beberapa acara sukan serta sering tersenarai dalam barisan atlet yang mewakili TLDM ke kejohanan di peringkat ATM, kebangsaan malah antarabangsa.

Beliau juga bergiat aktif dalam sukan Kriket TLDM dan pernah mewakili Malaysia dalam Asia Cricket Council (ACC) pada tahun 2007. Kini beliau turut bergiat aktif dalam sukan Petanque selain aktif dalam sukan bola jaring dan bola tampar peringkat formasi.



“Setiap pemegang pangkat akan berdepan pelbagai cabaran, namun selagi kita mempunyai fokus dan matlamat yang jelas serta tidak mudah dipengaruhi, tidak mustahil tanggungjawab tersebut akan dapat dilaksanakan dengan berkesan malah kita akan lebih disegani.”

Bangga perkembangan TLDM

Menyentuh perkembangan TLDM masa kini, PW I Ratna melahirkan perasaan bangga atas inisiatif baharu yang dicetuskan oleh pihak tertinggi TLDM.

Perkembangan TLDM masa kini katanya menjadi kebanggaan semua the Navy People antaranya inisiatif dua Wilayah Pemerintahan iaitu Markas Pemerintahan Armada Barat di Lumut dan Markas Pemerintahan Armada Timur di Kota Kinabalu yang dilihat mampu menjana organisasi TLDM lebih berkesan, dinamik malah lebih efisien.

Tambahnya, secara tidak langsung pengujudan ini dapat meningkatkan tahap kesiapsiagaan armada di samping memantapkan lagi pertahanan maritim sedia ada serta memberi impak besar dalam menyakinkan rakyat terhadap jaminan keselamatan maritim negara dan kepentingannya.

Masalah disiplin

Agak terkesan dengan masalah disiplin yang tular di media sosial, PW I Ratna memandang berat perkara itu dan akan berusaha membendung masalah sama agar tidak berlaku di unit seliaannya.

“Tidak dinafikan masalah disiplin memang ada di mana-mana namun saya akan berusaha memastikan anggota di

MU TLDM tidak terjebak dengan sebarang masalah disiplin yang serius dan akan sentiasa memantau keadaan dan perkembangan anggota unit ini dari semasa ke semasa,” katanya lagi.

Tidak cepat melatah

Mungkin timbul persoalan bagaimana wanita cekal ini berdepan dengan cabaran lebih-lebih lagi penerimaan dan kerjasama sepenuhnya daripada rakan setugas. Manakan tidak, beliau dikelilingi anggota lelaki dan majoritinya lebih senior. Pasti wujud komplikasi. Namun PW I Ratna tidak cepat melatah.

“Setiap pemegang pangkat akan berdepan pelbagai cabaran, namun selagi kita mempunyai fokus dan matlamat yang jelas serta tidak mudah dipengaruhi, tidak mustahil tanggungjawab tersebut akan dapat dilaksanakan dengan berkesan malah kita akan lebih disegani,” katanya.

“Sudah lumrah apabila menerima sesuatu yang baharu. Saya perlu bijak menakluk dan menyelami naluri mereka supaya komitmen yang diharapkan akan berhasil.

“Saya juga perlu berusaha mendekati mereka agar tiada jurang yang membataskan kami bagi penambahbaikan dan kesejahteraan bersama,” ujaranya lagi.

Hala tuju

Dengan pelantikan ini, pastinya PW I Ratna juga mempunyai perancangan dan hala tuju bagi menzhahirkan peranan beliau sebagai PW Markas yang baharu.

“Saya mempunyai strategi dan sedang merangka pembaharuan secara berperingkat dengan menambahbaik penstrukturan semula organisasi di Cawangan Udara TLDM.

“Apa yang saya harapkan adalah kerjasama dan komitmen sepenuhnya dari warga Markas bagi menjayakan perancangan dan hala tuju untuk kebaikan dan dinikmati bersama keberhasilannya,” ujar beliau mengakhiri perbualan.

HUMAN CAPITAL DEVELOPMENT

OMAHAMS
CORP

All our courses and programs are delivered and conducted by highly qualified trainers comprising of business practitioners and industry players who are themselves subject matter experts in their own right.



LIST OF COURSES

1. Code of Ethics / Regulations	12. Strategic Management (Introduction)
2. Engineering Management	13. Strategic Management (Advance)
3. Health, Safety & Environment (HSE)	14. Facilities Management (Awareness)
4. Naval ship Design & construction	15. Facilities Management (Intermediate)
5. Project Management (Awareness)	16. Financial Management - Introduction (For non-financial Managers & Engineers)
6. Project Management (Intermediate)	17. Financial Management - Intermediate (For non-financial Managers & Engineers)
7. Leadership Series 1 - Effective leaders in Engineering Organization	18. Negotiation Skills
8. Leadership Series 2 - Leadership for entrepreneurs	19. Team Building (Senior Management)
9. Leadership Series 3 - Transformational Leadership	20. Incident, Problem, and Change (IPC) Management
10. Leadership Series 4 - Impact of leadership & team building in projects	21. Robotics 101 using LEGO Mindstorms EV3
11. Leadership Series 5 - Leadership in building a great business	

LIST OF WORKSHOPS

1) To Guide Towards Achieving Registration As Professional Engineer (Ir) - Workshop 1

2) To Guide Towards Achieving Registration As Professional Engineer (Ir) - Workshop 2

List of Clients



UTM



Courses and programs we offer are HRDF claimable.



Omahams Corporation Sdn Bhd (669370-M)

Suite 528, 5th Floor, Block A, Damansara Intan, No 1, Jalan SS20/27, 47400 Petaling Jaya, Selangor Darul Ehsan

Tel : 03 - 7729 0149 / Fax : 03 - 7729 0150

USAHA KD LEMBING MEMBANTERAS PENYELUDUPAN CANDU DIHARGAI

Peristiwa: 25 Mei 1968 (Sabtu)

KD LEMBING yang diterajui Leftenan G.E.I. Isaac telah berjaya memintas sebuah bot laju yang berada lebih kurang tujuh batu nautika barat perairan Pulau Pisang. Pegawai Memerintah KD LEMBING telah mengarahkan pasukan mengegedah untuk mengegedah bot tersebut kerana ianya mencurigakan. Hasil daripada pengegedahan dan siasatan oleh tim mengegedah, didapati kesemua awak-awak bot tersebut ialah warganegara Indonesia dan dipercayai sedang melakukan aktiviti penyeludupan dadah ke semenanjung Malaysia melalui sebuah Kelong di Pontian, Johor. Ini jelas terbukti dengan penemuan lima bungkus dadah jenis candu seberat lima paun setiap bungkus.

KD LEMBING telah mendapat pujian dan penghargaan oleh Kerajaan Indonesia terutamanya dalam menangani isu-isu berkaitan keselamatan maritim Malaysia-Indonesia. Kedutaan Indonesia di Kuala Lumpur secara rasminya telah menghantar surat penghargaan kepada Kerajaan Malaysia pada 6 Disember 1968 atas kejayaan tersebut.



SWORD BEARER TERPANJANG DICATAT DALAM MALAYSIA BOOK OF RECORD

Peristiwa: 12 Jun 2001 (Selasa)

Seramai empat pasangan pengantin terdiri daripada tujuh orang pegawai TLDM dan seorang awam telah ditabalkan menjadi raja sehari serta diberikan penghormatan *Sword Bearer* terpanjang dalam adat istiadat perkahwinan Tentera Laut Diraja Malaysia. Majlis *Sword Bearer* terpanjang yang melibatkan lebih 280 orang pegawai TLDM ini telah diiktiraf oleh *Malaysia Book of Record*. Penyampaian sijil pengiktirafan *Sword Bearer* terpanjang telah disampaikan oleh Cik Hafidzah bte Hashim yang mewakili *Malaysia Book Of Record* kepada Panglima Armada, Laksamana Muda Dato' Ilyas bin Hj Din.

Majlis perkahwinan yang penuh gilang-gemilang ini telah diadakan buat julung kalinya di Wisma Samudera Pangkalan TLDM Lumut anjuran Markas Armada TLDM. Panglima Armada telah menyatakan kejayaan penganjuran ini adalah hasil usaha dan kerjasama daripada semua pihak dalam TLDM.




REJIMEN SARJAN MEJAR TLDM PERTAMA

Peristiwa: 21 Julai 1987 (Selasa)

PADA hari ini dalam tahun 1987, Pegawai Waren 1 Molabakh bin Idris telah dilantik sebagai Rejimen Sarjan Mejar (RSM) TLDM yang pertama sejak penubuhan TLDM pada tahun 1934. RSM TLDM kini lebih dikenali sebagai Pegawai Waren TLDM (PWTL) atau *Warrant Officer of Navy* (WOON). PW 1 Molabakh bin Idris yang dilahirkan pada tahun 1947 telah menyertai latihan rekrut TLDM di KD MALAYA, Pangkalan TLDM Woodlands pada tahun 1965. Pelantikan beliau sebagai RSM TLDM dibuat berdasarkan pencapaian beliau yang mempamerkan mutu kerja sebagai anggota TLDM yang berdedikasi dan tegas dalam menjalankan tugas. Beliau juga aktif dalam sukan menembak dengan mewakili negara dalam beberapa siri Sukan Semenanjung Asia Tenggara (SEAP).

Kecekapan dan dedikasinya menjalankan tugas, membuatkan beliau dinaikkan pangkat dengan cepat hingga kemudiannya dilantik menjadi jurulatih. Sebagai jurulatih, beliau telah ditempatkan di pelbagai unit TLDM termasuk KD PELANDOK, KD HANG TUAH dan Markas Panglima Armada. Sepanjang perkhidmatan beliau mengharungi pelbagai kenangan manis dan pahit. Antara yang paling tidak dilupakan adalah insiden pelanggaran KD RAJA JAROM yang melibatkan empat orang krew kapal terkorban.



UPACARA *SUNSET* CEREMONY PERMULAAN PENUTUPAN PANGKALAN TLDM WOODLANDS DI SINGAPURA

Peristiwa: 2 Ogos 1997 (Sabtu)

PADA hari ini dalam tahun 1997, upacara *Sunset Ceremony* diadakan menandakan permulaan penutupan Pangkalan TLDM Woodlands di Singapura. Acara tersebut telah diadakan di Malam Nostalgia dan dihadiri oleh pegawai berpangkat Komander ke atas dan juga pegawai pesara TLDM. Upacara tersebut dilakukan sebelum majlis penyerahan kepada kerajaan Singapura pada 31 Disember 1997 dan menjadi kenangan serta lipatan sejarah negara.

Penyerahan tersebut dilakukan dengan menandatangani memorandum oleh Pegawai Memerintah terakhir iaitu Komander Mohammed Noordin bin Ali TLDM N/401168 dan wakil kerajaan Singapura iaitu Low Oon Song. Secara rasminya pangkalan ini diserahkan kepada kerajaan Singapura semula apabila semua warga TLDM yang berpangkalan di Woodlands berpindah ke pangkalan baru iaitu Pangkalan TLDM Tanjung Pengelih, Johor dan Pusat Latihan Rekrut (PULAREK) di tanah air sendiri.



LAWATAN PERTAMA KAPAL PERANG JEPUN SEMENJAK TAMATNYA PERANG DUNIA KE-2

Peristiwa: 1 September 1969 (Isnin)

PADA hari ini dalam tahun 1969, 4 buah kapal perang pembina Jepun iaitu TERUZUKI, TAKANAMI, ONAMI dan MAKINAMI berlabuh di Pelabuhan Swettenham yang kini dikenali sebagai Pelabuhan Klang untuk lawatan muhibbah selama 3 hari ke Malaysia. Lawatan ini merupakan lawatan pertama kapal perang dari Jepun semenjak tamatnya Perang Dunia Ke-2, 24 tahun dahulu. Kapal TERUZUKI dan TAKANAMI merupakan kapal jenis *destroyer* berdemensi 134 meter panjang dan 11.6 meter lebar dengan krew 300 orang. Kapal ONAMI dan MAKINAMI juga dari jenis *destroyer* sepanjang 119.15 meter dan lebar 10.8 meter dengan krew 228 orang.

Kapal perang Jepun ini dalam pelayaran latihan selama 123 hari untuk 160 orang pegawai barunya yang akan melawat ke Colombo, Karachi, Singapura, Bangkok, Manila dan telah singgah untuk lawatan operasi di Australia, New Zealand serta Indonesia. Ketika melalui Selat Klang Utara, kapal TERUZUKI telah melepaskan tembakan sebanyak 21 das memberi tabik hormat dan diikuti dengan tembakan yang sama oleh Pasukan Meriam Malaysia sebagai membalas tabik hormatnya.

Dalam rombongan tersebut, pegawai kanan kapal TERUZUKI iaitu Laksamana Muda T. Motomura dan rombongannya menghadap Yang Di-Pertua Jemaah Pemangku Raja Selangor Tengku Idris Shah. Mereka juga menemui Duta Besar Jepun, Ketua Turus Angkatan Tentera iaitu Jeneral Tengku Osman Jawa dan Ketua Turus TLDM iaitu Komodor K. Thanabalasingam. Kapal-kapal Jepun dibuka kepada orang ramai untuk melawat dan krew kapal Jepun pula mengadakan pertunjukan Judo, Kendo, Karate serta Sumo di Stadium Negara.

UPACARA PENAMAAN KD JERAI DAN KD MAHAMIRU

Peristiwa: 30 Oktober 1984 (Selasa)

PADA hari ini dalam tahun 1984, Upacara Penamaan KD JERAI dan KD MAHAMIRU yang dibina oleh Limbungan Intermarine telah dijalankan dengan penuh gemilang mengikut tradisi TLDM bertempat di Sarzana, La Spezia Itali.

Antara tetamu yang menghadiri upacara ini termasuklah Tuan Yang Terutama Duta Besar Malaysia ke Itali, Yang Mulia Raja Mansur bin Raja Razman, Timbalan Panglima Tentera Laut Laksamana Muda Dato' Abdul Wahab bin Haji Naw, Pesuruhjaya Perdagangan Malaysia ke Itali dan semua pegawai dan anggota serta keluarga Pasukan Projek MCMV.

Upacara ini dimulakan dengan ucapan Presiden Intermarine dan diikuti ucapan balas oleh Tuan Yang Terutama Duta Besar ke Itali Yang Mulia Raja Mansur bin Raja Razman. Kemudiannya diikuti dengan upacara penamaan kapal yang dirasmikan sebagai Kapal Diraja JERAI oleh Puan Zabidahtul Mansur isteri Tuan Yang Terutama Duta Besar Malaysia ke Itali. Ini diikuti pula oleh Datin Ainiah, isteri kepada TPTL yang merasmikan nama kapal keempat sebagai Kapal Diraja MAHAMIRU.



GELOMBANG NELAYAN NASIONAL 2017 REALISASI FUNGSI RAKAM

Oleh: BM TLR Muhamad Asri Md Zlan
Foto: Cawangan Komunikasi Strategik



KEMAMAN - Program Gelombang Nelayan Nasional (GNN) 2017 anjuran Kementerian Pertanian dan Industri Asas Tani berlangsung meriah di Pantai Kuala Kerteh mulai 12 hingga 14 Okt 17.

Program berkonsepkan Strategi Lautan Biru Kebangsaan (NBOS) ini dirasmikan oleh Timbalan Perdana Menteri, Datuk Seri Dr. Ahmad Zahid Hamidi membabitkan nelayan, penjawat awam dan sektor swasta.

Dua komponen utama menjadi hala tuju program ini iaitu 'Engagement 1Nelayan' dan Perhimpunan 1Nelayan. Lebih 20,000 hadir bagi memeriahkan acara sepanjang program ini dilancarkan.

Sepanjang program berlangsung, TLDM turut mengadakan promosi kerjaya. Timbalan Panglima Tentera Laut, Laksamana Madya Dato' Anuwi Hassan turut beramah mesra dengan warga nelayan yang hadir.

Selain dapat merapatkan hubungan dengan nelayan dalam mengukuhkan kerjasama bagi penyaluran maklumat berkaitan insiden di laut, penganjuran program ini mampu merealisasikan kaedah dan pendekatan Rakan Maritim (RAKAM) dengan lebih jelas akan fungsi penguatkuasaan maritim seperti TLDM, APMM dan Polis Marin serta keprihatinan kerajaan kepada komuniti maritim.



NAIK PANGKAT – ATLET CEMERLANG DI SUKAN SEA KL TURUT DIHARGAI

Oleh: Lt Mohd Farhan Abd Razak TLDM
Foto: Cawangan Komunikasi Strategik

KUALA LUMPUR - Panglima Tentera Laut, Laksamana Tan Sri Ahmad Kamarulzaman Hj Ahmad Badaruddin telah menyempurnakan Upacara Pemakaian Pangkat kepada *the Navy People* pada 19 Okt 17 bertempat di KD SRI GOMBAK, Jalan Padang Tembak Kuala Lumpur.

Warga yang dinaikkan pangkat terdiri daripada tiga Pegawai TLDM, seorang Pegawai Kehormat Pasukan Simpanan Sukarela TLDM dan 55 anggota Lain-Lain Pangkat termasuk sembilan atlet yang beraksi cemerlang di Kejohanan Sukan SEA 2017 baru-baru ini.

Kenaikan pangkat ini merupakan salah satu usaha bagi menghargai jasa atlet TLDM kepada negara yang telah beraksi cemerlang dan berjaya menyumbang pingat emas dalam Sukan SEA 2017. Pada Sukan SEA 2017 lalu, atlet TLDM telah berjaya menyumbangkan 13 pingat emas, enam perak serta 10 gangsa dan telah diberikan insentif oleh Pengurusan Tertinggi TLDM.

Dalam pada itu, majlis turut menyaksikan kenaikan pangkat seorang Pegawai Kanan Wanita TLDM, Kepten Rohana Jupri TLDM, Pegawai Memerintah Depot Bantuan Barat TLDM yang mencatat sejarah sebagai pegawai wanita TLDM pertama yang dinaikkan ke pangkat Kepten. Selain beliau, TLDM turut mengiktiraf anggota LLP wanita TLDM melalui pelantikan PW I TNL Ratnawati Hj Muhammad sebagai Pegawai Waran Markas Udara TLDM.

MAJLIS PENUTUP KURSUS ASAS KOMANDO PASKAL SIRI 63/17

Oleh: LK PAP (PKL) Saiyid Zakaria Saiyid Abdillah
Foto: BM PAP (PKL) Masri Rukani



LUMUT - Seramai tiga pegawai dan 20 anggota Lain-Lain Pangkat (LLP) telah dianugerahkan Beret Ungu dalam Majlis Penutup Kursus Asas Komando PASKAL Siri 63/17 pada 3 Ogos 17. Majlis disempurnakan oleh Panglima Pasukan Khas Laut, Laksamana Pertama Anuar Hj Alias PGB bertempat di Pusat Latihan Kemahiran Air (PLKA) Pangkalan TLDM LUMUT.

Kursus Asas Komando PASKAL Siri 63/17 telah bermula pada 22 Mei 17 merangkumi enam peringkat iaitu pemanasan, kem, hutan, paya, laut, pelarian dan pelolosan serta ujian ketahanan akhir atau dipanggil 'Hellweek'. Pelbagai ujian yang mencabar ketahanan fizikal dan mental telah dilalui sebelum diiktiraf sebagai salah seorang anggota PASKAL.

LK II PRL (PKL) Nashriq Suria dari Betong, Sarawak dipilih sebagai Pelatih Terbaik Keseluruhan Kursus.



MALBATT 850-5: ATM BUKTI KOMITMEN DI PERINGKAT ANTARABANGSA

Oleh: BM TLR Muhamad Asri Md Zlan
Foto: Cawangan Komunikasi Strategik

SUBANG - Penghantaran Pasukan Pengaman Batalion Malaysia 850-5 (MALBATT 850-5) bagi menyertai misi pasukan Interim Pertubuhan Bangsa-Bangsa Bersatu (PBB) di kawasan tanggungjawab United Nations Interim Force In Lebanon (UNIFIL) Selatan Lubnan berlangsung pada 7 Sep 17 di Pangkalan Udara Subang.

Majlis turut dihadiri Menteri Pertahanan, YB. Dato' Seri Hishammuddin Tun Hussein dan Panglima Angkatan Tentera, YM Tan Sri Raja Mohamed Affandi Raja Mohamed Noor. MALBATT 850-5 yang terdiri daripada 850 anggota, diketuai Kolonel Khairul Anuar Abd Aziz manakala TLDM telah menghantar lima pegawai dan 86 anggota bagi misi kali ini.

ATM amat menitik beratkan penglibatan anggotanya di peringkat antarabangsa, membuktikan Malaysia amat komited dalam memberi bantuan kepada negara yang memerlukan bagi memastikan keamanan sejagat dapat direalisasikan. Penghantaran kumpulan MALBATT 850-5 dibuat secara berperingkat dan diikuti pada 13, 19 dan 25 Sep 17.



TLDM SERTAI MISI KEMANUSIAAN PELARIAN ROHINGYA

Oleh: PW I PRL Normahaily Mohd Nor
Foto: PW I PNK Md Nasir

KUALA LUMPUR - TLDM turut menyertai Tim Tinjauan Misi Kemanusiaan Pelarian Rohingya ke Chittagong, Bangladesh yang berlepas dari Pangkalan Udara Subang dekat sini pada 9 Sep 17.

Pelepasan tim disempurnakan oleh Perdana Menteri, YAB Datuk Seri Najib Tun Razak dan turut disaksikan Timbalan Menteri Luar, Datuk Seri Reezal Merican Naina Merican; Panglima Angkatan Tentera, Jeneral Tan Sri Raja Mohamed Affandi Raja Mohamed Noor, Timbalan Panglima Tentera Laut, Laksamana Madya Dato' Anuwi Hassan dan Pesuruhjaya Tinggi Bangladesh ke Malaysia, Md. Shahidul Islam.

Tim tinjauan berkenaan yang diwakili lapan anggota terdiri daripada enam anggota Angkatan Tentera Malaysia (ATM) dan masing-masing seorang kakitangan Kementerian Pertahanan serta sukarelawan *1Malaysia for youth* (iM4U) berlepas dengan menaiki pesawat pengangkut A400M Tentera Udara Diraja Malaysia (TUDM).

Tim diketuai Ketua Staf Markas Angkatan Bersama, Laksamana Muda Datuk Mohamad Adib Abdul Samad itu bertujuan mendapatkan gambaran sebenar situasi selain mengenal pasti bentuk bantuan kemanusiaan yang mampu disediakan.



PENGANUGERAHAN BATTLE HONOUR 'DAULAT FEB 2013'

Oleh: PW I PRL Normahaily Mohd Nor
Foto: Cawangan Komunikasi Strategik

KOTA KINABALU - Perbarisan Penganugerahan *Battle Honour* 'Daulat Feb 2013' dan Pingat Kedaulatan Negara telah diadakan pada 11 Ogos 17 di Padang Merdeka di sini melibatkan seramai 2,000 pegawai dan anggota ATM.

Perbarisan ini bersempena insiden berdarah pencerobohan kumpulan pengganas Sulu di Kampung Tanduo, Lahad Datu pada 11 Feb 13 melibatkan pasukan keselamatan dalam melaksanakan Op DAULAT.

Perbarisan penganugerahan yang disempurnakan oleh Menteri Pertahanan, YB Dato' Seri Hishammuddin Tun Hussein ini berkonsepkan gabungan perbarisan Istiadat dan Tempur melibatkan 12 Panji-Panji daripada Tentera Darat (TD), tiga daripada Tentera Laut Diraja Malaysia (TLDM) dan sembilan daripada Tentera Udara Diraja Malaysia (TUDM) yang turut disertai enam kontinjen Tempur terdiri daripada dua kontinjen TDM, dua kontinjen TLDM dan dua kontinjen TUDM serta tiga kontinjen Istiadat.





PEGAWAI GRADUAN DISERU BERI NILAI TAMBAH KEPADA NEGARA

Oleh: Lt M Nur Qistina Ahmad Jaafar PSSTLDM

"GRADUAN yang telah diterapkan melalui latihan ketenteraan PALAPES diharap akan dapat memberi nilai tambah kepada negara dan bangsa", titah Kebawah Duli Yang Maha Mulia Seri Paduka Baginda Yang di-Pertuan Agong, Sultan Muhammad V.

Baginda telah berkenan mencemar duli berangkat ke Istiadat Pentauliah Diraja Pegawai Kadet Pasukan Latihan Pegawai Simpanan (PALAPES) ke-36 bertempat di Padang Kawad Universiti Teknologi Mara (UiTM), Shah Alam.

Seramai 1,832 Pegawai Kadet PALAPES daripada 18 universiti awam di seluruh negara telah ditauliahkan pada tahun ini.

Baginda juga menyeru Pegawai Kadet Pasukan Latihan Pegawai Simpanan (PALAPES) agar berani dalam menegakkan kebenaran demi mengangkat martabat angkatan tentera di kaca mata masyarakat. Baginda juga menekankan supaya Pegawai Kadet yang baru ditauliahkan menonjolkan diri dan sentiasa bersikap positif serta pada masa yang sama, sentiasa memperbaiki diri dan siap sedia menerima teguran.

"Usaha harus terus dipertingkatkan bagi menarik lebih ramai mahasiswa dan mahasiswi dari pelbagai kaum mengikuti program

ini sekaligus meningkatkan lagi semangat muhibah antara kaum menerusi latihan yang berteraskan 'Esprit de Corps' ini," titah baginda.

Istiadat pentauliah kali ini bertemakan Mahasiswa Perkasa Aset Pertahanan Negara dimulakan dengan Perbarisan Pentauliah Pegawai Kadet PALAPES dan penyampaian Pedang Kehormat kepada 33 Pegawai Kadet Terbaik PALAPES dari setiap universiti dan kemudian diteruskan dengan Istiadat Pengurniaan Watikah di Dewan Agong Tuanku Canselor,

UiTM Shah Alam. Turut hadir, Menteri Pengajian Tinggi, Dato' Seri Idris Jusoh, Timbalan Menteri Pertahanan Datuk Seri Mohd Johari Baharom, Panglima Angkatan Tentera, Jeneral Tan Sri Raja Mohamed Affandi Raja Mohamed Noor, Panglima-panglima perkhidmatan dan Naib Canselor UiTM, Kol (K) Profesor Emeritus Dato' Dr Hassan Said. Para Pegawai Muda PSSTLDM ini kemudiannya diraikan di dalam Majlis Makan Malam Beradat yang berlangsung di *Ideal Convention Centre (ICC)* Shah Alam.

Sekitar Istiadat Pertauliah Diraja Pegawai Kadet PALAPES Ke-36.



PROJEK JIWA MURNI MEMPROMOSI KD SRI PINANG

Oleh : Lt Muda Farzana Jasmi PSSTLDM

Foto: BK PNK Majmin Zainuddin

Usaha mempromosi dan memperkenalkan kerjaya PSSTLDM kepada masyarakat tempatan dipergiatkan oleh warga KD SRI PINANG (KDSP).

Pada 19 dan 20 Ogos 17, program promosi PSSTLDM telah berlangsung dengan jayanya di Politeknik Tuanku Sultanah Bahiyah, Kulim Kedah dan di Dataran Memancing Kuala Pulau Betong, Balik Pulau, Pulau Pinang.

Bagi memeriahkan program, KDSP telah mengadakan perlawanan sukan persahabatan bersama pelajar dan kakitangan Pusat Kokurikulum dan Kebudayaan Politeknik Sultanah Bahiyah. Sebanyak lima acara sukan dipertandingkan iaitu Bola Tampar, Bola Jaring, Futsal, Ping Pong dan Badminton. Di samping mempromosikan kerjaya PSSTLDM, aktiviti ini dapat mengeratkan hubungan silaturahim antara warga KDSP dan Politeknik Kulim.

Hari kedua program, aktiviti promosi diteruskan di Kuala Pulau Betong, Balik Pulau, Pulau Pinang. Aktiviti Jiwa Murni



Warga KD SRI PINANG mengabadikan kenangan bersama penduduk kampung.



Gotong royong pembersihan kawasan kampung.

dianjurkan bagi membina kerjasama antara penduduk kampung dengan warga KDSP. Program ini turut disertai oleh kakitangan Majlis Bandaraya Pulau Pinang, Persatuan Nelayan Pulau Betong, dan Pasukan Bomba Sukarela Pulau Betong. Turut serta adalah Ahli Dewan Undangan Negeri Pulau Betong, Yang Berhormat Datuk Dr Sr Muhammad Farid Saad.

Sepanjang program berlangsung, unit telah berjaya memperkenalkan fungsi PSSTLDM dan peranan KDSP kepada masyarakat luar. Ramai di kalangan warga Politeknik Kulim dan Penduduk Kuala Betong menyatakan minat dan mendaftarkan diri untuk hadir ke pemilihan PSSTLDM yang akan dilaksanakan. Selain mewujudkan semangat kerjasama dan keakraban antara *the Navy People* dan orang awam, aktiviti ini juga dapat membentuk nilai murni dan sifat prihatin serta pengamalan Nilai Teras TLDM di kalangan anggota.

LAWATAN DAN PENYERAHAN CEK INSURAN KELOMPOK

Oleh: Lt M Tengku Husna Izzati Tengku Muhammad Fawzi PSSTLDM

TLDM telah melakukan lawatan ke rumah keluarga Allahyarhamah Pegawai Kadet Kanan (PKK) Nur Fazira Amira Hamdan di Endau, Mersing, bekas PALAPES Laut Universiti Sains Malaysia (USM) Pulau Pinang yang terlibat dalam kemalangan dan meninggal dunia pada 4 Jan 17.

Lawatan pada 16 Ogos 17 itu diketuai oleh Pegawai Staf 1 Pembangunan Strategik Bahagian Pasukan Simpanan TLDM, Kdr Hj Shaiful Fadzli Ismail TLDM bagi menyerahkan cek Insuran Kelompok bernilai RM22,000 kepada waris Allahyarhamah. Dalam pada itu, tahlil ringkas turut dilaksanakan sebelum rombongan bergerak ke tanah perkuburan bagi menziarahi pusara Allahyarhamah.



Encik Hamdan menerima cek daripada Kdr Hj. Shaiful Fadzli.



MAJLIS PENYAMPAIAN ANUGERAH KECEMERLANGAN PENDIDIKAN ATM KE-27 TAHUN 2017

Oleh: Sel Pendidikan Am

KUALA LUMPUR – Majlis Penyampaian Anugerah Kecemerlangan Pendidikan ATM Ke-27 Tahun 2017 telah dilaksanakan dengan jayanya pada 22 Ogos 17 bertempat di Dewan Perkasa Wisma Perwira ATM di sini bagi penerima zon Kuala Lumpur, Putrajaya, Selangor, Melaka dan Negeri Sembilan.

Majlis disempurnakan Yang Berhormat Menteri Pertahanan Malaysia dan merupakan salah satu program yang terkandung dalam Program Hala Tuju Kementerian Pertahanan di bawah Teras Kebajikan.

Anugerah ini merupakan satu pengiktirafan kepada anak-anak warga ATM yang telah berusaha gigih untuk mendapat keputusan terbaik serta mencapai tahap kecemerlangan dalam bidang akademik di peringkat PT3, SPM dan berjaya melanjutkan pengajian ke IPTA tahun 2016. Anugerah itu juga adalah sebagai perangsang kepada para pelajar agar sentiasa melipatgandakan usaha untuk

mendapat keputusan yang lebih cemerlang dalam bidang akademik pada masa akan datang. Majlis dilaksanakan setiap tahun mengikut zon di lokasi yang ditetapkan di Markas Formasi dan Pangkalan ATM.

Bagi anak-anak *the Navy People*, seramai 31 penerima bagi kategori PT3, 14 kategori SPM dan 10 bagi kategori kemasukan ke IPTA dari keseluruhan 607 penerima bagi setiap kategori.

Para pelajar yang menerima anugerah dan ibu bapa yang hadir meluahkan rasa gembira dan bangga atas kesungguhan pihak Kementerian Pertahanan menganjurkan majlis tersebut yang dalam masa sama memberikan penghormatan kepada mereka atas pencapaian cemerlang dalam peperiksaan PT3 dan SPM. Semoga majlis yang dianjurkan ini mampu menyuntik semangat pelajar-pelajar lain untuk terus berusaha dan mendapatkan pencapaian yang lebih baik pada masa akan datang.



Menteri Pertahanan menyampaikan sijil kepada pelajar cemerlang.



Para penerima anugerah dan ibu bapa yang hadir.



Anugerah ini merupakan satu pengiktirafan kepada anak-anak warga ATM yang telah berusaha gigih untuk mendapat keputusan terbaik.

NASI BERIANI KARI KAMBING *VIGILANT* PIKAT SELERA

Artikel/Foto: LK TLR Suhairi bin Mohamed Ali



Sentuhan istimewa tukang masak pada masakan daging kambing menjadikan Nasi Beriani Kari Kambing *Vigilant* KTD PENYU berbeza dari biasa.

Mana tidaknya, menu ini menjadi hidangan nombor satu bagi anak-anak kapal yang sinonim dengan operasi penyelaman itu. Hasil air tangan resepi tersendiri Ketua Tukang Masak, LK BDI Zamri Zainal Abidin, sememangnya ditunggu-tunggu dan benar-benar memikat selera warga kapal. Secara tidak langsung ini menjadikan ianya sebagai menu khas untuk tetamu-tetamu kenamaan atau hidangan rasmi majlis-majlis keramaian yang

dianjurkan pihak kapal. "Alhamdulillah, masakan ini diterima baik oleh anak-anak kapal dan setiap kali saya menghidangkannya, ianya tentu habis malah adakalanya tidak cukup", ujar Zamri.

Pengalaman bertugas di Wisma Samudera dan KD PELANDOK mendorong beliau untuk mencuba resepi tersendiri bagi menghasilkan kelainan pada setiap hidangan yang disediakan.

Pegawai Memerintah KTD PENYU, Lt Kdr Mohd Faizruddin Mohd Nor TLDM berkata, idea mengetengahkan menu utama ini sememangnya bertujuan memberikan *trademark* atau

penanda aras kepada tahap hidangan di kapal. Penugasan di laut yang acap kali berlarutan untuk tempoh masa yang agak lama memerlukan hidangan makanan yang berkhasiat disediakan bagi meningkatkan tahap moral anak-anak kapal.

"Menu ini menjadi hidangan yang paling istimewa untuk disajikan kepada tetamu-tetamu kenamaan atau di majlis-majlis tertentu. Nama *Vigilant* yang diambil bersempena cogan kata atau *tagline* kapal yang membawa maksud berhati-hati amatlah sesuai dengan tugas dan tanggungjawab anak-anak kapal ketika beroperasi," ujar Mohd Faizruddin.



Nasi Beriani

Vigilant

Nasi Briyani

Bahan-bahan:

Bawang Merah
Rempah Beriani
Air Rebusan Kambing
Susu Cair
Garam
Bahan Perasa
Sos Tomato
3 Biji Buah Tomato
Biji Gajus
Kismis

Cara Penyediaan:

- Tumiskan bahan-bahan rempah dan bawang merah yang telah dikisar.
- Masukkan rempah beriani dan dikacau sehingga berbau harum.
- Masukkan beras yang telah dibersihkan dan disukat.
- Masukkan garam dan bahan perasa.
- Taburkan biji gajus dan kismis.
- Tunggu hidangan masak untuk sedia dihidangkan.

Kari Kambing

Bahan-bahan:

Daging Kambing Berserta Tulang
Bawang Besar
Bawang Putih
Cili Kering
Santan
Rempah Ratus
Rempah Kari
Air Rebusan Kambing
Garam
Bahan Perasa

Cara Penyediaan:

- * Tumiskan bawang yang telah dikisar.
- * Masukkan rempah ratus dan rempah bryani.
- * Kacau sehingga naik minyak.
- * Masukkan air rebusan kambing dan kentang.
- * Setelah mendidih masukkan garam, bahan perasa dan masukkan bahan hiasan.
- * Siap boleh dihidangkan.



LET'S RISE TOGETHER

SUKAN SEA KE-29 KUALA LUMPUR ATLET TLDM BERSINAR DI ARENA ANTARABANGSA

Oleh: BK KOM Shapilin Dolmat Foto: Cawangan Komunikasi Strategik



KUALA LUMPUR – Temasya Sukan SEA Ke-29 melabuhkan tirainya dengan meriah dan bergaya apabila Malaysia muncul juara keseluruhan. Sepanjang 12 hari temasya berlangsung, kontinjen Malaysia berjaya merangkul sebanyak 323 pingat secara keseluruhan. 145 pingat emas telah berjaya diraih kontinjen negara melebihi sasaran iaitu sebanyak 111 pingat emas. Sebanyak 92 pingat perak dan 86 gangsa turut menyinari kem negara. Lebih manis lagi 29 pingat yang digondol atlet-atlet negara pada temasya kali ini telah disumbangkan oleh atlet TLDM. Paling menyerlah atlet-atlet olahraga TLDM yang merangkul 5 dari 8 pingat emas yang dimenangi kontinjen negara.

Atlet-atlet TLDM yang menyinar di arena sukan antarabangsa sentiasa diberikan pengiktirafan. Ini terbukti menerusi insentif yang disampaikan oleh Yang Berbahagia Laksamana Tan Sri Ahmad Kamarulzaman Hj Ahmad Badaruddin, Panglima Tentera Laut pada satu majlis

penghargaan meraihan atlet-atlet TLDM di KD SRI GOMBAK. Secara pecahan, atlet TLDM telah berjaya memenangi 13 pingat emas, 6 perak dan 10 gangsa. Pada majlis tersebut, Panglima Tentera Laut turut mengumumkan kenaikan pangkat kepada atlet-atlet yang telah berjaya memecah rekod kejohanan. Insentif ini merupakan sebuah penghargaan tidak ternilai bagi menyuntik semangat para atlet TLDM untuk terus menyumbang keringat dan meraih kejayaan di peringkat yang lebih tinggi di masa hadapan.

LK I JJM Irwandie Lakasek, salah seorang Golden Men TLDM yang turut cemerlang di Velodrom Nilai melalui acara berbasikal trek menyatakan beliau dan rakan-rakan atlet TLDM yang lain sentiasa diberikan ruang dan peluang bagi menjalani latihan sama ada di dalam mahupun di luar negara. TLDM juga banyak menghargai jasa dan sumbangan para atlet walaupun mereka sering menghabiskan masa dan tenaga

dengan latihan sukan yang padat. Sokongan barisan kepimpinan TLDM ini telah memberikan semangat buat atlet TLDM untuk menghasilkan kejayaan dengan kilauan pingat pada temasya dwitahunan itu.



SUKAN SEA KE-29 KUALA LUMPUR 2017



KUALA LUMPUR 2017

 SUKAN SEA KE-29 



32 ATLET SUKAN SEA KL 2017 DAPAT INSENTIF

Oleh: Lt M Nor Zuhaira Ruhainie PSSTLDM
Foto: Cawangan Komunikasi Strategik

KD SRI GOMBAK – Kecemerlangan atlet Malaysia di Kejohanan Sukan SEA Kuala Lumpur 2017 pada bulan Ogos lalu turut dikongsi warga TLDM. Seramai 34 atlet TLDM yang mewakili negara sebahagiannya telah berjaya menyumbang 13 pingat emas, 6 perak dan 10 gangsa dalam pelbagai acara.

Pada 14 Sep 17, satu majlis meraikan para atlet dan pegawai persatuan sukan TLDM telah diadakan. Majlis ini dihadiri Panglima Tentera Laut, Laksamana Tan Sri Ahmad Kamarulzaman Hj Ahmad Badaruddin dan pegawai kanan yang lain.

Dalam majlis tersebut, Panglima Tentera Laut telah menyampaikan insentif kepada atlet yang merangkul pingat dan memecahkan rekod pada temasya berprestij dwitahunan itu. Satu kejutan manis juga diberikan kepada pemenang pingat emas iaitu kenaikan pangkat yang merupakan pengiktirafan TLDM atas sumbangan mereka dalam mengharumkan nama Malaysia di persada dunia.

Sebelum majlis bermula, atlet-atlet TLDM turut melaksanakan pembacaan Ikrar Bebas Rasuah yang diketuai Lt Nur Suryani TLDM serta disaksikan oleh Pengarah Dasar Sumber Manusia, Kepten Badaruddin TLDM.

LK I JJM Irwandie menunjukkan pingat emas dimenangnya kepada Panglima Tentera Laut.



Panglima Tentera Laut berkongsi kegembiraan bersama para atlet.



PEMBIAYAAN

Peribadi Berpenjamin

SEHINGGA

RM 200,000**

NIKMATI PENINGKATAN

Pembiayaan Baru Koperasi Tentera

**MOHON
SEKARANG**

Di mana-mana pejabat
Koperasi Tentera
berdekatan anda

Tempoh bayaran
sehingga **10 Tahun****
berdasarkan TTP
pemohon dan penjamin

2 ORANG PENJAMIN
dalam perkhidmatan
Angkatan Tentera Malaysia

Kiraan jumlah pembiayaan
berdasarkan jumlah
pendapatan **X 20 kali****

** Tertakluk kepada terma dan syarat

Untuk maklumat lanjut sila hubungi kami di talian 03-40272600 atau
emel kepada customercare@katmb.com.my

www.katmb.com.my



Suasana Rumah Masak

Ruangan *Galley* Samudera amat menarik minat saya. Apa kata sidang redaksi paparkan pula suasana memasak di rumah masak unit-unit di pangkalan TLDM?

Nizam Manjung



Bahan Rujukan

Majalah ini menarik kerana mengandungi banyak maklumat berkaitan TLDM dan saya menjadikan majalah ini sebagai bahan rujukan untuk *assignment* saya.

Idham, Kuala Lumpur

Banyak Informasi Terkini

Saya mengikuti perkembangan Majalah Samudera. Banyak informasi terkini berkenaan TLDM saya ketahui. Ia secara tidak langsung menarik minat saya terhadap TLDM.

Zainal, Pasir Puteh Kelantan

Projek Jiwa Murni

Saya amat berbangga melihat TLDM banyak terlibat aktiviti projek jiwa murni membantu golongan asnaf, anak yatim dan kurang berkemampuan.

Zaidi, Lenggong Perak

Kuiz

Saya mencadangkan agar editor mengadakan kuiz berkaitan TLDM dalam majalah ini.

Asri, Navy People

Banyak Maklumat Menarik

Saya pembaca setia majalah Samudera kerana majalah ini memberikan saya banyak maklumat berguna dan bahan yang dipaparkan amat menarik.

Izan, Kampar

Ingin Merasai Pengalaman Belayar

Adakah orang awam boleh mengikuti pelayaran bagi merasai sendiri pengalaman belayar bersama anggota TLDM?

Saiful, Bota Perak

Terima Kasih TLDM!

Saya amat berterima kasih kepada TLDM kerana memberi insentif atas kecemerlangan anak saya dalam SPM. Ia secara tidak langsung meningkatkan moral dan memberi dorongan kepadanya untuk lebih maju dalam pelajaran.

Pn. Aishah, Lumut Perak

Kami mengalu-alukan sebarang komen atau cadangan untuk menambah baik penerbitan majalah ini. Semua cadangan yang sesuai akan diambil tindakan pada keluaran akan datang. Surat terbaik yang dipilih akan menerima hadiah misteri sebagai tanda penghargaan atas sokongan anda. Sila hantarkan komen atau cadangan anda ke:

Surat Pembaca

Sidang Redaksi Majalah SAMUDERA
Bahagian Perhubungan Strategik
Markas Tentera Laut, Wisma Pertahanan
50634 Kuala Lumpur.

Emel: majalahsamuderatldm@gmail.com



Perjuangan Pahlawan

Oleh: LK PLM Mohd Zaini bin Rosdi
KD LEDANG

Demi Negara.....
Engkau korbankan waktumu
Demi bangsa.....
Rela kau taruhkan nyawamu
Maut menghadang di depan
Kau bilang itu hiburan

Kelihatan raut wajahmu
Tak sekelumit rasa takut
Semangat membara di jiwamu
Taklukan mereka penghalang negara

Hari-harimu diwarnai
Pembunuhan dan pembunuhan
Dan dihiasi bunga-bunga api
Mengalir sungai darah di
Sekitarmu
Bahkan tak jarang mata air darah itu
Yang muncul dari tumbuhmu
Namun tak dapat.....
Runtuhkan tebing semangat
Juangmu

Buluh runcing yang setia menemanimu
Kaki telanjang yang tak beralas
Pakaian dengan seribu wangian
Basah di badan
Yang kini menghantar negara
ke dalam istana kemerdekaan

Sajak Pelaut

Oleh : PW I KOM Saharudin bin Jaafar
SKTLDM LUMUT

Andai badai bersahabat dalam gelapnya
Malam yang tak berbintang
Andai ombak yang menggoncangkan
Namun semua itu hanya harapan
Namun semua itu hanya angan

Bahtera lepas meninggalkan dermaga
Belayar dalam doa, cita dan cinta
Menepi ke dermaga penuh semangat
Harapan, angan, doa dan semangat
terselit dalam senyuman

Aku.. melangkah dalam duri-duri yang
menyayat hati
Aku.. pergi dalam kerikil yang menggores di hati
Aku.. menyusur dalam herdik dan
perit yang bertambun
Kembali untuk harapan
Kembali untuk cinta
Kembali untuk semua yang kudamba
Kembali untuk sesuap nasi

Janji yang telah mengikat DIRI
PASRAH dalam doa dan cita
Untuk kembali dalam mimpi
Namun, harapan, angan, doa dan
semangat itu telah sirna



Pelangi

Sebelum mula mengajar, Cikgu Mat yang baru ditukarkan ke sebuah sekolah ingin berkenalan dengan murid-muridnya di kelas.

Cikgu Mat: Baiklah, sebelum kita mulakan mata pelajaran kita hari ini, saya ingin berkenalan dengan kamu semua. Kenalkan nama dan hobi kamu pada saya. Bermula di sebelah kanan hadapan saya. Silakan..

Murid 1: Nama saya Shidi, hobi memancing di sungai sambil lihat pelangi.

Cikgu Mat: Ok bagus, teruskan.

Murid 2: Nama saya Azmir, hobi suka makan ubi rebus di pinggir sungai sambil lihat pelangi, cikgu.

Cikgu Mat: Ooo... sama, kalian bersahabat ya? Baiklah cuba yang duduk di belakang tu kenalkan diri.

Murid 3: Nama saya Shahridzwan, hobi saya menangkap udang di tepi sungai sambil melihat pelangi.

Cikgu Mat: Wah... sama jugak? Rupanya korang ni satu genglah ye? Cuba pulak yang hensem di sudut sana?

Murid 4: Nama saya Yusri, hobi makan cendol di pinggir sungai sambil tengok pelangi. cikgu...!

Cikgu Mat: Ya hobi kamu rupanya semua sama ye.. baiklah cuba yang cantik manis di bangku tengah tu, apa nama dan hobi kamu?

Murid 5: Nama saya Pelangi, hobi suka mandi di sungai, cikgu...!

Cikgu Mat: Ooo patut ler....!!! #%^&*&#%#@(*&



Harga Petai Satu Longgok

Pak Deraman yang menjual petai di tepi jalan berkata kepada seorang lelaki yang bercadang membeli petai itu.

Pak Deraman: Encik, satu longgok RM1 sahaja. Tapi kalau encik ambil semua, kira murah...RM20 sahaja.

Lelaki: Berapa longgok semuanya?

Pak Deraman: 20 longgok.



Memenangi Satu Cabutan Bertuah

Seorang yang agak dungu telah memenangi satu cabutan bertuah semasa mengikuti hari keluarga syarikat tempatnya bekerja. Dia telah memenangi hadiah sebuah termos. Walau bagaimanapun dia tidak mengetahui apakah benda itu dan bagaimana menggunakannya.

Dia pun bertanya kepada rakan di sebelahnya, "Apakah benda ini dan apakah gunanya benda ini?"

Rakannya menjawab, "Itu adalah termos. Ia menyebabkan benda panas kekal panas dan benda sejuk kekal sejuk."


Dia ke tempat kerja keesokan harinya. Semasa di pejabat, dia berselisih dengan bosnya. Bosnya bertanya apakah yang dimenangkinya semalam.

"Termos!", jawabnya pantas. "Ia membuatkan benda panas kekal panas dan benda sejuk kekal sejuk", sambungnya lagi dengan penuh yakin.

Bosnya kemudian bertanya, "Apa yang kau isi dalam termos tu?"

"Ohh, saya isikannya dengan kopi panas dan aiskrim," jawabnya bangga.

Oleh: Hairi Benally





SYSTEM CONSULTANCY SERVICES SDN BHD

Your *Thinking* Company

System Consultancy Group of Companies:



DK Composites Sdn Bhd
(448908 X)

Design and Fabrication of
Advanced Composites materials
for Architectural, Marine,
Automotive and Aerospace Industries



Digital Aura (M) Sdn Bhd
(308286-T)

Project Management Solutions




IBS Technology Sdn Bhd
(394181-H)

Intelligent Building and
Security Systems

Head Office:

System Consultancy Services Sdn Bhd (219906-U)
No. 36 Jin Wangsa Delima 6 Pusat Bandar Wangsa Maju (KLSC) 53300 Kuala Lumpur
Tel: +603 4149 1919 Fax: +603 4149 2121 Email: scshq@scs.my
www.scs.my



Boustead Heavy Industries Corporation Berhad
17th Floor, Menara Boustead, 69, Jalan Raja Chulan,
50200 Kuala Lumpur, MALAYSIA.
www.bhic.com.my

WE
SHAPE
THE
INDUSTRY

